



九經古義

二





1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

132752



義 古 經 九

(二)



學 棟 惠

叢書集成初編

(補印本)

九經古義
二冊

一九三七年十二月初版

一九五九年十月補印

惠

棟

學

商務印書館出版

上海華文印刷廠印刷

九經古義卷第八

周禮古義下

夏官司燿。說文曰：燿，取火於日。官名。舉火曰燿。周禮曰：司燿掌行火之政令。从火，霍聲。或作烜。从亘。案司燿。注：讀如予。若觀火之觀。古喚反。秋官司烜氏。音燬。讀如衛侯燬之燬。鄭氏兩讀。許君合而一之。蓋本賈侍中之說。高誘曰：燿，讀如權字。漢郊祀志云：通權火。

羅氏云：中春羅春鳥。注云：春鳥蟄而始出者。若今南郡黃雀之屬。郭義恭廣志云：黃雀脂肥絕美。江夏竟陵常給獻大官御覽。

司右注：司馬法曰：弓矢圍。受矛守。戈戟助。凡五兵長以衛短。短以救長。案今司馬法曰：右兵弓矢禦。受矛守。戈戟助。凡五兵五當。長以衛短。短以救長。賈公彥曰：弓矢圍者。圍城時也。愚謂圍當作圍。古禦字作圍。管子：墨子書皆然。鄭注作圍。傳寫之誤。今司馬法爲禦字。从俗作也。

方相氏掌蒙熊皮。注云：冒熊皮者。以驚馭疫癘之鬼。如今魃頭也。應劭風俗通曰：俗說亡人魂氣游揚。故作魃頭以存之。言頭魃魃然盛大也。或爲魃頭。爲觸壙。殊方語也。御覽說文云：今逐疫有顛頭。

大僕建路鼓于大寢之門外。以待達窮者。與遽令。注云：鄭司農云：窮謂窮寃失職。則來擊此鼓。若今時上

變事擊鼓矣。遽傳也。若今時驛馬軍書當急聞者亦擊此鼓。玄謂遽令郵驛上下程品。棟案漢廐律有上變事及驚事告急。漢廐律魏改爲郵驛令。漢書梅福傳云數因縣道上言變事求假軺傳詣行在所。條對急政輒報罷師古曰變謂非常之事。黥布傳賁赫上變事。藥傳詣長安。

職方氏樊毅脩華嶽碑云周禮識方氏歐陽永叔云識字字畫分明非譌闕疑當時周禮之學自如此。棟案周禮多古字如檝字作職職字作識識字作志漢時已不能盡攷況後世乎。

秋官司圜注鄭司農云圜謂圜土也。圜土謂獄城也。今獄城圜春秋元命苞曰爲獄圜者象斗運。宋均注云作獄圜者象斗運也。初學記引。

冥氏注鄭司農云冥讀爲冥氏春秋之冥。王伯厚云漢泰山冥都傳春秋故云冥氏春秋案夏本紀禹姒姓後有冥氏。

薙氏注云書薙或作夷鄭司農云今俗閒謂麥下爲夷下言芟夷其麥以其下種禾豆也。玄謂薙讀如鬚小兒頭之鬚說文云鬚鬚髮大人曰鬚小兒曰鬚盡及身毛曰鬚案甘泉賦云列新薙於林薄服虔曰

新薙香草也。薙夷聲相近師古曰新薙卽辛夷春秋傳曰五薙爲五工正夷民者也服虔曰薙者夷也夷平也孔穎達云薙聲近夷薙訓夷夷爲平薙讀如鬚者說文云古文薙从弟篆文弟夷字相似荀氏

易渙六四云匪弟所思今本作夷。

蠲氏注鄭司農云蠲讀爲蠺蠺蝦蟇也月令曰蠺蠲鳴玄謂蠲今御所食蛙也字从虫國聲蠺乃短狐與

案說文。蠲正字也。蠲或字也。許氏以爲短狐。

壺涿氏注云。故書涿爲獨。鄭司農云。獨讀爲濁。其源之濁。音與涿相近。書亦或爲濁。

大司寇。凡庶民之獄訟。以邦成弊之。注云。邦成。八成也。鄭司農云。邦成。謂若今時決事比也。士師職云。掌士之八成。先鄭云。行事有八篇。若今之決事比。則八成。謂邦洵。邦賊。以下八事。賈疏以爲小宰之八成。非也。東觀漢記。鮑昱傳云。時司徒例訟。久者至十數年。比例輕重。非其事類。錯雜難知。昱奏定決事都目。八卷。以齊同法令。息遏民訟。則知漢時決事。雖多至三百餘篇。其都目以八篇爲卒。故先鄭引以爲證。

小司寇云。凡命夫命婦。不躬坐獄訟。注云。不身坐者。必使其屬若子弟也。杜預僖廿八年傳注云。傳曰。王叔之宰。與伯與之大夫。坐獄於王庭。各不身親。蓋今長吏有罪。先驗吏卒之義。

以八辟麗邦法。注云。杜子春讀麗爲羅。玄謂麗附也。易曰。日月麗乎天。案麗者離也。離猶羅也。羅當作羅。洪範云。不羅于咎。史記引作離。尙書大傳引作麗。古字並通。

議親之辟。注。鄭司農曰。若今時宗室有罪。先請是也。漢書平帝紀。元始元年。令公列侯嗣子有罪。耐以上先請。續漢書百官志云。宗室若有犯法。當髡以上。先詣宗正。宗正以聞。乃報決。

議賢之辟。注。鄭司農云。若今時廉吏有罪。先請是也。宣帝黃龍元年詔曰。舉廉吏。誠欲得其真也。吏六百石位大夫。有罪先請。

議能之辟。說文曰：罷，遣有辜也。从网能。言有賢能而入网，而貫遣之。周禮曰：議能之辟。

議貴之辟。鄭司農云：若今時吏墨綬有罪，先請是也。後漢光武紀云：建武二年詔曰：吏不滿六百石，下至墨綬長相，有罪先請。蔡邕橋公碑云：遷齊相，臨淄令賂財賊多罪，正受鞠就刑，竟以不先請免官。

大賓客。前王而辟。鄭司農云：若今時執金吾，下至令尉奉引矣。續漢書輿服志云：乘輿大駕，公卿奉引，大僕御，大將軍參乘，乘輿法駕，八卿不在鹵簿中。河南尹執金吾，雒陽令奉引，奉車郎御侍中參乘。

士師。掌士之八成。一曰邦鈞。鄭司農云：鈞，讀如酌酒尊中之酌。國鈞者，斟鈞盜取國家密事。若今時刺探尙書事。詩正義云：鈞與酌古今字。周頌酌，左傳作鈞。公羊僖八年經云：鄭伯乞盟，傳云：蓋酌之也。注云：酌，挹也。穀梁作鈞，是鈞爲挹取之義。沈約曰：寫書謂之刺。漢制不得刺尙書事是也。後漢書楊倫傳：尙書奏倫探知密事，應劭風俗通云：司徒韓演伯南爲丹楊太守，坐從兄季朝爲南陽太守，刺探尙書演法車徵，蓋漢律有此條，故鄭據以爲說。

訝士云：凡四方之有治於士者，造焉。注云：如今郡國亦時遣主者吏詣廷尉議者，棟案此請讞之法，當在漢興律篇中。胡廣漢官篇解詁曰：廷尉當疑獄。北堂書引：漢書景帝紀：後元年詔曰：獄疑者讞有司，有司所不能決，移廷尉，有令讞而後不當讞者，不爲失。杜周傳云：周爲廷尉，二千石繫者，新故相因，不減百餘人。郡吏大府舉之，廷尉一歲至千餘章，大者連逮證案數百，小者數十人，遠者數千里，近者數百里。會獄。注云：舉，皆也。言郡吏大府獄事，皆歸廷尉也。陳湯傳：廷尉增壽議，以爲臣下承用失其中，故移

獄廷尉。如淳曰：移獄廷尉。如今讞罪輕重，于定國傳定國爲廷尉。冬月治請讞，飲酒益精明。是漢時疑獄，皆讞於廷尉。後漢襄楷上疏曰：頃數十歲以來，州郡玩習，又欲避請讞之煩，輒託疾病，多死牢獄，蓋自安順而後，請讞之法稍弛矣。

朝士凡士之治有期日，期內之治聽，期外不聽。注：鄭司農云：若今時徒論決，滿三月不得乞鞫。鄧展曰：漢律有故乞鞫，司馬貞案晉令云：獄結竟，呼囚鞫語罪狀，囚若稱枉欲乞鞫者，許之也。新律序云：二歲刑以上，除以家人乞鞫之制，省所煩獄也。二歲刑謂耐以上，此魏世所改。

凡民同貨財者，令以國法行之。犯令者，刑罰之。注云：若今時加貴取息坐臧。漢書王子侯表云：旁光侯殷坐取息過律，免。陵鄉侯訴坐貸穀息過律，免。息有程限，過律則坐臧也。

司刑注：鄭司農云：漢孝文帝十三年，除肉刑。疏云：所赦者唯赦墨劓與剕三者，其宮刑至隋乃赦也。尙書正義曰：漢除肉刑，除墨、劓、剕，耳。宮刑猶在大隋開皇之初，始除男子宮刑，婦人猶閉於宮。崔浩漢律序曰：文帝除肉刑，而宮不易。張斐律注云：以淫亂人族序，故不易也。棟案漢書鼂錯對策曰：除去陰刑，張晏曰：宮刑也。則漢文亦除宮刑矣。或後仍復之。賈孔之說，蓋本崔張。

司刺三赦注云：若今時律令，年未滿八歲，八十以上，非手殺人，他皆不坐。光武紀：建武三年詔曰：男子八十以上，十歲以下，及婦人從坐者，自非不道，詔所名捕，皆不得繫。鄭氏孝經注云：手殺人者，大辟，卽漢律所云不道也。

司厲其奴。男子入于罪隸。女子入于春臺。注云。鄭司農云。今之為奴婢。古之罪人也。玄謂奴。從坐而沒入。縣官者。男女同名。高誘曰。漢律坐父兄沒入為奴。魏志毛玠傳。漢律罪人妻子沒為奴婢。黥面。說文曰。男入罪曰奴。女入罪曰婢。初學記引。風俗通曰。古制本無奴婢。即犯事者或原之。臧者被臧罪沒入為官奴婢。獲者逃亡獲得為奴婢也。初學記引。

掌戮。殺王之親者辜之。注云。辜之言枯也。謂磔之。荀子正論云。斬斷枯磔。注云。韓子曰。采金之禁得而輒辜。磔。內儲說。辜。即枯也。又莊子有辜人。巫咸文云。暴虐不姑。姑與枯通。易大過之九二云。枯楊生荑。鄭讀枯為姑。謂無姑山榆。是辜。枯。姑。三字古皆通也。壺涿氏注。杜子春云。梓讀為枯。枯榆木名。與鄭注易同。

條狼氏。掌執鞭以趨辟。注云。若今卒辟車之為也。續漢書志云。大使車立棗。駕駟從伍百。璆弩十二人。辟車四人。

雍氏。掌殺草。秋繩而芟之。注云。舍實曰繩。釋文曰。繩音孕。棟謂繩當為隴字之誤也。管子五行篇。隴婦不銷弃。注云。隴古孕字。大玄駟首曰。媼其膏。人一月而膏。媼與隴同。玉篇云。隴或孕字。汗簡云。古文尙書。以隴為孕。孕讀如繩。易漸九三。婦孕不育。苟爽本。孕作棗。棗繩聲近。故漸九五云。鴻漸于陵。婦三歲不

孕。終莫之勝。

伊耆氏。共其杖咸。注云。咸讀為函。古咸與函通。毛詩巧言曰。僭始既涵。韓詩作既減。減猶涵也。司馬相如

封禪文云。上咸五。下登三。徐廣曰。咸一作函。漢書天文志。閒可械劍。蘇林曰。械音函。

大行人云。諸侯之禮。立當前疾。毛居正六經正誤云。案車上無名疾者。說文。軌。車軌前也。从車。凡聲。周禮曰。立當前軌音範。疑此近是。棟謹案禮說云。諸侯來朝。行享於廟。入大門。下車。所立之位。上公立當車。軌。侯伯立當前侯。子男立當車衡。案侯俗作疾。唐石經及宋本皆同。論語邢昺疏。鄉黨引周禮作前侯云。侯伯立當前侯。胡下。又小雅蓼蕭章。孔疏引大行人。亦作前侯。蓋說文疾作疾。古文侯作侯。相似易亂。故前侯譌爲前疾。賈疏不詳。莫能辨正。俗本流傳。誤人久矣。又案說文引周禮作前軌。云軌。車軌前也。詩小戎陰鞞傳云。陰揜軌也。孔疏謂以板木橫側車前。陰映此軌。故謂之陰。考工記。軌前十尺。謂軾前曲中下垂。柱地如人之頸。故謂之侯。侯猶胡也。故鄭注訓爲胡。以其在軌前。故曰前侯。然則陰也。侯也。胡也。皆前軌之名。揜軌曰陰。曲中曰侯。下垂曰胡。總名爲軌。當依說文定作軌。則前衡後軾。而軌在其閒。讀者一見而心目了然矣。

凡諸侯之王事。注云。孟子曰。諸侯有王。毛氏正誤曰。諸本皆云。孟子曰。諸侯有王。案孟子無此句。小行人注引春秋傳曰。宋公不王。又曰。諸侯有王。王有巡守。此注是也。棟案藝文志。孟子十一篇。趙臺卿題辭云。著書七篇。又有外書四篇。性善辨文說。孝經爲正。其文不能弘深。不與內篇相似。外篇今亡。秦漢諸人引孟子者。今孟子皆無之。見王伯厚考證。鄭氏所引。安知不在外篇乎。毛說未是。劉昌詩云。新喻謝氏多藏古書。有性善辯一帙。則知與文說孝經爲正。是謂四篇。然則孟子逸書。宋時猶有存者。唐時尙

未亡也。

小行人云。令諸侯春入貢。秋獻功。注云。秋獻功。若今計文書。斷於九月。其舊法。盧植曰。計斷九月。因秦以

十月爲正故。劉昭注補。

司儀問君客。再拜對。君問大夫。客對。君勞客。客再拜稽首。注云。問君曰。君不恙乎。對曰。使臣之來。寡君命臣于庭。問大夫曰。二三子不恙乎。對曰。寡君命使臣于庭。二三子皆在。勞客曰。道路悠遠。客甚勞。勞介則曰。二三子甚勞。王伯厚曰。此亦見說苑。鄭氏所述。蓋古禮也。賈疏云。未知所出何文。或云。是孔子聘問之辭。棟案。襄廿七年。春秋傳曰。仲尼使。舉是禮也。以爲多文辭。服虔云。以其多文辭。故特舉而用之。後世謂之孔氏聘辭。此書漢時猶存。故鄭引之。或說非無據也。

行夫。居於其國。則掌行人之勞辱事。焉使則介之。注云。使謂大小行人也。故書曰。夷使。鄭司農云。夷使。使於四夷。玄謂夷發聲。案此。則夷使猶焉使也。晉語云。焉作爰田。焉作州兵。淮南子云。天子焉始乘舟。禮記云。故先王焉爲之立制。又云。焉使倍之。公羊傳云。比託始焉爾。又云。吾將焉致乎魯國。皆訓爲於。篆文焉於相似。故於亦作焉。焉使者。言於行人之使。則爲之介。劉氏音焉爲夷非也。或以焉屬上句。尤誤。考工記。作舟以行水。注云。故書舟作周。鄭司農云。周當爲舟。隸法周作用。又作舟。舟作舟。或作舟。字本相類。謹案詩說云。大東舟人之子。鄭曰。舟當作周。案集古錄。庚父敦銘。有伯庶父。作王姑舟尊。敦或謂舟爲丹。又以爲井。董廣川以爲朱。鮪集字。舟爲古文周字。汗簡云。朱育集字。顧璣王釋。亦引詩爲證。又史

伯碩父鼎銘亦有王母舟母四十二字。則舟卽爲周舟人之子。卽上文西人之子也。詩以舟爲周。考工以周爲舟。義並通。

輪人以其圍之。防。捐其藪。鄭司農云。藪讀爲蜂藪之藪。謂轂空壺中也。案說文曰。櫟車轂中空也。从木。臬聲。讀若藪。然則藪本作櫟。讀爲藪也。

參分其輻之長而殺其一。注云。殺。衰小之也。案殺猶衰也。見儀禮注。衰亦訓小。春秋傳云。其周德之衰乎。注云。衰。小也。小猶殺也。

輈人。大車之輻。輈。注云。輈。輈也。案輈本軒輈。字或作輈。見淮南子。或作輈。見儀禮注。旣夕云。志矢一乘。軒輈中。廬人注云。反覆猶軒輈也。軒輈猶軒輈。毛詩如輈。如軒。傳云。輈。輈也。張有復古編云。輈。抵也。从車。執。別作輈。非。

輈欲順典。注云。順典。堅刃貌。鄭司農云。順讀爲懇。典讀爲殄。駟車之輈。率尺所一縛。懇典似謂此。棟案殄。古文腆字。腆。善也。尺許一束。一輈五束。故謂善也。毛詩籩籥不殄箋。殄當爲腆。燕禮不腆之酒。注云。古文腆作殄。

終日馳騁。左不捷。注云。書捷。或作券。玄謂券。今倦字也。說文。券。勞也。漢涼州刺史魏君碑云。施舍不券。是券與倦同。毛居正六經正誤云。券契字皆从刀。古者刻木爲之。故从刀。从力者。古倦字。考工記。輈人。左不券。是也。

冶氏案周有函冶氏爲齊大公置良劍見戰國策高誘注曰函姓冶官名也因以爲氏知鑄劍曉鐵理能相劍

鮑人云察其線欲其藏也注云故書線或作綜杜子春云綜當爲糸旁泉讀爲緬謂縫革之縷說文縷也古文作線與綜相似漢書功臣表云不絕如綫晉灼曰綫今線縷字以線爲今文未之考也

韞人爲皋陶穹者三之一鄭司農云穹讀爲志無空邪之空案弟子職云志無虛邪或古本虛作空故讀从之古穹與空同韓詩白駒云在彼穹谷文選注今詩穹作空薛君曰穹谷深谷也

玉人天子用全上公用龍侯用瓚伯用將注云玉多則重石多則輕公侯四玉一石伯子三玉二石說文曰全純玉也龍四玉一石也瓚三玉二石也將說文作瑀瑀玉石半相瑀棟案鄭氏之說本逸禮王度


記引見白虎通許氏之說蓋本賈逵逵作周官解故許从之受學故說文多依其說
矢人凡相筈欲生而搏生謂材生也古謂初取之材爲生管子曰棟生橈韓非子曰涂濡而椽生皆謂初

取之材也生而搏者燥則直是良材也
梓人爲飲器勺一升爵一升觚三升趙明誠曰大觀中澠之昌樂丹水岸得爵及觚二器以觚量之適容

三爵與考工記合鄭氏據韓詩以爲觚當作觶七經小傳云一獻而三酬者獻以一升酬以三升也并而計之爲四升四升爲豆豆雖非飲器其計數則然此劉氏欲闢鄭氏改豆爲斗之說案文云爵一升

觚三升一獻而三酬適合一斗之數故鄭云豆當爲斗如劉氏之說當云一獻而一酬乃合一豆之數

廬人灸諸牆。注云。灸猶柱也。釋文云。灸音救。對也。音樹。灸。說文引作久。云。從後灸之。象人兩脛後有距也。
案既夕云。木桁久之。注云。久當爲灸。士喪禮云。冪用疏久之。注云。久讀爲灸。謂之蓋塞其口。下注云。以
柱兩牆之間。輓而內之。與儀禮久之同義。是久爲古文。灸爲今文也。灸从火久聲。古文省火。
車人爲耒庇。長尺有一寸。鄭司農云。庇讀爲其類有疵之疵。謂耒下岐。疏云。俗人謂類額之上有疵病。故
讀從之。棟謂其類有疵。當在孟子。今書疵作泚。或先鄭所據本。與趙氏異耳。賈疏失之。
弓人舊栗不弛。注云。栗讀爲裂繻之裂。毛詩東山曰。烝在栗薪。箋云。栗。析也。古者聲栗裂同也。



九經古義卷第九

儀禮古義上

士冠禮。旅。占。注云。古文旅作臚。案周禮司儀。旅。擯。先鄭曰。旅。讀爲旅於泰山之旅。後鄭云。旅。讀爲鴻臚之臚。陳之也。班固述贊曰。大夫臚岱。侯伯僭時。鄭德云。臚岱。季氏旅於泰山是也。顏監曰。旅。陳也。臚。亦陳也。臚。旅聲相近。其義一耳。禹貢曰。蔡蒙旅平。傳云。祭山曰旅。韋昭音盧。盧。籀文臚。周書諡法曰。惟三月。旣生魄。周公旦。太師望。相嗣王發。旣賦憲。受臚于牧之野。臚。卽旅也。

兄弟畢袵玄。注云。袵。同也。玄者。玄衣玄裳也。古文袵爲均。棟案袵玄。卽漢之衾。司馬彪輿服志云。郊祀之服。皆以衾玄。淮南子云。尸祝衾衽。高誘曰。衾。純服。衽。墨齋衣也。篆書袵與衾相似。古文作均。故左氏僖五年傳云。均服振振。祭服上下皆玄。故謂之衾玄。戎事上下同服。故謂之均服。朋虔注左傳。以均服爲黑服。月令曰。乘玄路。鄭注云。今月令曰。乘軫路。似當爲袵字之誤。是鄭意亦以袵爲玄。

將冠者。采衣紒。注云。紒。結髮。古文紒爲結。廣雅曰。髻。結也。曹憲曰。案說文。卽籀文髻字也。古髻字皆作結。漢有假結。安箇結。大手結。周禮注。結作紒。俗作髻。

主人酬賓。束帛儷皮。注云。儷皮。兩鹿皮也。古文儷爲離。說文云。麗。旅行也。鹿之性。見食急。則必旅行。从鹿。

麗聲禮麗皮納聘蓋鹿皮也。譙周古史考云。伏犧制嫁娶。以儷皮爲禮。古文作離者。易離彖云。離者麗也。禮月令云。宿離不貸。注云。離讀如儷偶之儷。兩鹿皮者。士昏禮注云。麗兩也。春秋傳云。鳥獸猶不失儷。是儷爲兩也。

再醮攝酒。注云。攝猶整也。整酒謂撓之。漢書匈奴傳云。單于以徑路刀金留犁撓酒。應劭曰。撓和也。鄭以攝酒有撓撓之事。故舉漢法以明之。

眉壽萬年。注云。古文眉作麋。大戴禮王言云。孔子愀然揚麋。盧辨注云。麋一作眉。荀卿子非相云。伊尹之狀。面無須麋。楊倞云。麋與眉同。漢書皆以麋爲眉。歐陽公集古錄云。漢故北海相景君碑有云。不永樂壽。全家集錄三代古器銘有云。眉壽者。皆爲樂壽。蓋古字簡少通用。至漢猶然也。

永受胡福。注云。胡猶遐也。遠也。案詩隰桑云。心乎愛矣。遐不謂矣。禮記引此詩。遐作瑕。鄭注云。瑕之言胡也。遐。胡互訓。古音通。詩言胡考。周禮諡法。彌年壽考曰胡。

令月吉日。昭告爾字。爰字孔嘉。髦士攸宜。釋文云。字叶音滋。案虞書鳥獸。莘尾。史記作字微。郭忠恕汗簡云。古文尙書字作莘。是字本有滋音。毋容叶也。

記。毋追夏后氏之道也。注云。毋發聲也。追猶堆也。案追古堆字。枚乘七發曰。踰岸出追。李善曰。追亦堆字。今爲追。古字假借之也。說文云。巨。小阜也。徐鉉曰。今俗作堆。河東風陵堆。戴延之謂之風隄。

以官爵人德之殺也。注云。殺猶衰也。繫上曰。古之聰明睿知神武而不殺者。夫。虞翻注云。乾坤坎離。反復。

不衰亦讀殺爲衰。淮南說山云：上有三衰，下有九殺。衰音近殺，故云殺猶衰也。棟案：衰猶差也。荀卿子云：相地而衰政。注：衰，差也。九章算術謂差分爲衰分。說林云：大小之衰然。注云：衰，差也。春秋傳曰：遲速衰序。又云：其周德之衰乎。注云：衰，小也。小猶殺也。彼此互訓。文王世子云：親親之殺也。注云：殺，差也。是差與衰同。

士昏禮鄭目錄云：日入三商爲昏。賈疏云：商謂商量，是漏刻之名。故三光靈曜亦日入三刻爲昏。不盡爲明。孔氏詩正義云：尙書緯謂刻爲商。然則三光靈曜當作考靈曜。漢三神鑑銘曰：吾作明鏡，幽鍊三商。蓋本書緯。

皇舅某子。日知錄云：士昏禮皇舅某子。此或謚或字之稱。與聘禮皇考某子同。疏以爲若張子李子婦人內夫家，豈有稱其舅爲張子李子者哉。案經云：婦執筭菜，祝帥婦以入，祝告稱婦之姓曰：某氏來婦。敢奠嘉菜于皇舅某子。張稷若儀禮節解云：疏之意，或以婦新入門，稱姓以告，故亦以姓稱其舅。春秋傳云：男女辨姓，其此之謂。

記：父醮子命之辭曰：荀子云：禮父南鄉而立，子北鄉而跪，醮而命之。

勗帥以敬先妣之嗣。荀子云：隆帥以敬先妣之嗣。案文隆訓盛義亦通。鄭注儀禮作勗者，當由避殤帝諱。改隆爲勗。如毛詩隆衝與臨衝郡國志。隆慮爲臨慮之類。荀子亦以隆慮爲臨慮。漢時經學皆受之師。時君之諱，既經改易，隨文釋之，非復故書之義。許叔重說文解字，每載上諱，不更箋釋，亦此例也。上文

贊啓會注云。今文啓爲開。旣夕請啓期同。賈公彥云。高堂生所傳者爲今文。案生爲漢初人。不應爲景帝諱。明經師相傳。遂爲故實。非盡高堂之舊也。

視諸衿鞶。注云。視乃正字。今文作示。俗誤行之。曲禮曰。幼子常視無誑。注云。視今之示字。詩鹿鳴曰。視民不忒。箋云。視古示字也。古文春秋傳。皆以視爲示。賈公彥曰。古人字少。眼目視瞻。與以物示人。皆作視字。棟案示本神祇字。古視瞻之視。皆作眡。周禮說文。皆同。啓母廟石闕銘云。昭眡後昆。以眡爲示。鄭所據古文儀禮。知視爲古示字。郭忠恕撰佩觿。以鄭氏此說。大與說文。石經。相乖。竊所未喻。士相見禮。衆皆若是。注云。今文衆爲終。易雜卦云。大有衆也。荀爽本衆作終。史記五帝紀云。怙終賊刑。徐廣曰。終一作衆。春秋傳有魯大夫衆仲。明堂月令云。衆雨蚤降。釋草云。樂貫衆。皆讀爲終。仙人韓終。亦作韓衆。古衆字皆終音。

鄉飲酒禮。衆賓辯有脯醢。注云。今文辯皆作徧。古辯。徧。通用。史記曰。辯于羣神。今尙書作徧。春秋傳云。子言辨。舍爵于季氏之廟。杜氏云。辨。徧也。荀子脩身篇云。扁善之度。注云。扁讀爲辨。韓詩外傳云。君子有辨善之度。古徧字皆作辨。司馬遷從孔安國問故。遷書多古文。春秋傳多古字。古言。故皆以辯爲徧。鄉射禮云。司射乃比衆耦。辯。注云。衆賓射者。降比之耦。乃徧是。鄭亦讀辯爲徧。

尊者降席東南面。注云。尊者。謂此鄉之人。仕至大夫者也。今文遵爲僎。或爲全。論語云。異乎三子者之僎。鄭注云。僎讀爲詮。詮之言善也。禮記冠儀曰。介僎象陰陽也。注云。古文禮僎皆作遵。又少儀僎爵注云。

僎或作騶。本亦作騶。古文禮僎作遯。鄉射禮注云。謂之遯者。方以禮樂化民。欲其遯法之也。

公如大夫入。注云。如讀若今之若。周禮旅師職云。而用之以質劑致民。注云。而讀爲若。聲之誤也。棟案古而與如通。如猶若也。故如而或讀爲若。鄭以爲聲之誤。則古讀而如若也。

主人釋服。注云。古文釋作舍。大射儀云。獲而未釋。獲。注曰。古文釋爲舍。周禮大胥職云。春入學舍采。注云。舍卽釋也。占夢職云。乃舍萌于四方。注云。舍讀爲釋。舍萌猶釋菜也。古書釋菜。釋奠。多作舍字。

鄉射禮不貫不釋。注云。古文貫作關。棟案呂氏春秋云。中關而止。謂關弓弦正半而止。卽儀禮所謂不貫也。貫與關古今通。史記五子胥傳云。五胥貫弓執矢。嚮使者。注云。貫鳥還反。後漢祭彤傳。能貫三百斤弓。司馬貞曰。滿張弓。一云。貫謂上弦也。古串與患通。又讀爲貫。故古文患作悶。从心。關省聲也。

箭籌八十。長尺有握。握素。注云。握本所持處也。素謂刊之也。握本以作膚。張稷若節解曰。握本以作膚。以字疑誤。別本刊本一作膚。亦費解。或刊本一讀義屬上句。一作膚。指握字有作膚者。四指曰膚。與握義同。握四指卽四寸。籌長尺四寸。其四寸則刊之使白也。愚謂案文當云。握本。或作膚。張氏以爲刊本一讀屬上句。非也。

唯君有射于國中。注云。古文有作又。汗簡云。古文尙書有作又。石鼓戍文。一作甲文云。溝溝又魚。董道曰。又通作有。秦惠王詛楚文云。又秦嗣王義作有。古文又。又作有。周易繫辭曰。履信思乎順。又以尙賢也。鄭氏易。又作有。詩長發云。有虔秉鉞。箋云。有之言又也。內則云。凡養老。五帝憲。三王有乞言。注云。有讀

爲又戰國策公子他謂趙王曰今又案兵劉錢本又作有說文云有者不宜有也从月又聲春秋傳曰日月有食之

燕禮云更爵注云古文更爲受大射儀同周禮巾車云歲時受讀杜子春云受當爲更春秋昭廿九年傳云以更豕韋之後史記更作受知古文更字皆爲受

升媵觚于賓注云媵送也讀或爲揚揚舉也今文媵皆作騰檀弓下篇云杜蕢洗而揚觶注云禮揚作媵宋本作騰非揚舉也媵送也揚近得之

升媵觚于公注云此當言媵觶酬之禮皆用觶言觶者字之誤也古者觶字或作角旁氏由此誤爾上經云主人坐奠觶與篚注云古文觶皆爲觶又云主人拜受受字當作送觶注云今文觶作觶說文曰觶禮經觶漢書高帝紀云上奉玉卮應劭曰飲酒禮器也古以角作受四升韓詩說云三升曰觶四升曰

角大射儀云侍射者降洗角觶疏云角觶以兕角爲之非謂四升曰角者也古卮字作觶鄭氏駁五經異義曰觶角旁氏汝穎之間師讀所作今禮角旁單古書或作角旁著氏則是與觶相涉學者多聞觶寡聞觶寫此書亂之而作觶耳

對曰寡君君之私也注云私謂獨受恩厚也棟謂私猶屬也若邾滕之于齊宋故叔孫豹云邾滕人之私也上介致辭謙言屬國

大射儀云西階之西頌磬東面注云言成功曰頌西爲陰中萬物之所成古文頌爲庸鄭氏尙書云笙庸

以間注云。西方之樂謂之庸。庸功也。西方物孰有成功。亦謂之頌。頌亦是頌其成也。

綴諸箭注云。箭。篠也。古文箭作晉。周禮大行人云。揚州其利金錫竹箭。注云。故書箭爲晉。杜子春日。晉當

爲箭。書亦或爲箭。古讀晉如箭。播紳亦作薦紳。

且左還注云。古文且爲阻。棟案古鐘鼎文。祖字皆作且。如祖乙卣。盟和鍾。文王命虜鼎。師毀敵。皆然。尙書

黎民阻飢。今文作祖飢。徐廣曰。祖始也。孟康曰。古文言阻。古文祖作且。且阻同字。故儀禮尙書皆作阻。

奏狸首注云。狸首逸詩曾孫也。狸之言不來也。漢書郊祀志云。周靈王卽位時。諸侯莫朝。周長弘迺明鬼

神事。設射不來。不來者。諸侯之不來朝者也。封禪書云。設射狸首。徐廣曰。狸一名不來。棟謹案禮說云。

不來反爲狸。猶并夾爲籥。終葵爲推。邾婁爲鄒。勃鞞爲披。周伯琦云。鄒古邾婁國。外傳勃鞞。內傳作披。

壽夢爲彘。不可爲叵。芋舌職。說苑作芋殖舌。職爲殖也。顓孫師之子爲申祥。顓孫爲申也。後世反切之

學。出之此。狸首之詩。與祭侯之辭。皆言諸侯來朝之禮。不來者不寧侯。故抗而射之。然則萇弘行古禮。

說者謂依物怪以致諸侯妄矣。康成詩譜云。射禮天子以騶虞。諸侯以狸首。大夫以采蘋。士以采芣爲

節。今無狸首。周衰諸侯並僭而去。孔子錄詩不得。熊氏經說云。狸首之詩。古人以爲射節。小戴射儀

所記。詩曰。曾孫侯氏。四正具舉。大夫君子。凡以庶士。小大莫處。御於君所。以燕以射。則燕則饗。此狸首

之詩也。大戴投壺篇所記。上章本同。而前一句。曾孫侯氏。爲數句隔斷。恐秦射張侯等語。本以解說侯

氏。因亂入正文。爾下文又換韻曰。弓既平張。四侯且良。決拾有常。既順乃讓。乃揖乃讓。乃隣其堂。乃節

九經古義 卷九

其行既志乃張此亦狸首之詩也。劉原父七經小傳云或曰狸首鵲巢也篆文狸似鵲首似巢鵲巢之詩御之將之成之此亦附會之過。

九經古義卷第十

儀禮古義下

聘禮云。管人布幕於寢門外。注云。管猶館也。古文管作官。今文布作敷。易隨初九云。官有渝。蜀才本官作館。穆天子傳云。官人陳牲。義作館。

及廟門。公揖入。立於中庭。棟案立。讀為位。周禮小宗伯之職。掌建國之神位。注云。故書位作立。鄭司農云。立讀為位。古者立位同字。古文春秋經。公即位為公。即立。史記周本紀云。武王既入。立于社南。今周書克殷解文也。案其文云。王入即位于社。是立字當作位也。古鐘鼎文。如周毛父敦銘。及盂和鍾。立字釋者。皆訓為位。又周邠敦銘云。毛伯內門立中庭。周戠敦銘云。蘇公入右。戠立中庭北鄉。韋弘嗣許叔重皆云。列中庭之左右曰位。明立字亦當作位。釋者仍訓為本字。非也。

賓進訝。注云。今文訝為梧。公食大夫禮云。上介受賓幣。從者訝受皮。注云。今文曰梧受。既夕。若無器。則梧受之。注云。謂對相授。疏云。梧。梧。即逆也。對面相逢受。案梧本作梧。訓為逆。訝亦逆也。既夕注。不壘。古文明。古文訝亦有作梧也。漢書司馬遷傳贊云。或有抵梧。如淳曰。梧讀曰迕。戰國策樓梧亦作樓梧。

歸饗籩五牢。注云。今文歸或為饋。案古文論語。如詠而饋。饋孔子豚。魯論皆作歸。士虞禮注云。饋猶歸也。

車乘有五簋。注云：簋讀若不數之數。今文簋或爲逾。下記曰：十六斗曰簋。注云：今江淮之間，量名有爲簋者。今文簋爲逾。包咸論語注云：十六斗曰庾。庾卽逾也。古文作簋。

醴黍清皆兩壺。注云：醴白酒也。凡酒稻爲上，黍次之，梁次之，皆有清白。以黍間清白者，互相備。明三酒六壺也。漢律曰：稻米一斗得酒一斗爲上尊，稷米一斗得酒一斗爲中尊，粟米一斗得酒一斗爲下尊。顏師古曰：稷卽粟也。中尊者宜爲黍米，不當言稷。蓋據此注而言。邢昺曰：稷粟一物，而本草稷米在下品，別有粟米在中品，又似二物，故先儒甚疑焉。

侑幣。注云：古文侑皆作宥。案春秋傳，侑皆作宥。又周禮三宥，管子作三侑。古字通用。

記云：百名以上書於策，不及百名書於方。注云：名書文也。今謂之字策，簡也。方，板也。疏云：鄭作論語序云：易詩書禮樂春秋策皆尺二寸。孝經謙半之，論語八寸，策者三分居一，又謙焉。是其策之長短。鄭注尙書三十字一簡之文。服虔注左氏云：古文篆書一簡八字，是一簡容字多少者。策當作筴，板當作版。問幾月之資。注云：資，行用也。古文資作齋。周禮外府云：財用之幣齋。先鄭云：齋或爲資。今禮家定齋作資。後鄭云：玄謂齋資同耳。其字以齊次爲聲，從貝，變易古字亦多或。

公食大夫禮云：宰夫設黍稷六簋于俎。西注云：古文簋皆作軌。周禮小史云：敘昭穆之俎，簋。注云：故書簋或爲几。鄭司農云：几讀爲軌。古文也。易損卦云：二簋可用享。蜀才本簋作軌。從古文。

覲禮云：侯氏降階，東北面再拜稽首。擯者延之曰升。注云：從後詔禮曰延。延，進也。案漢舊儀云：丞相、御史

大夫初拜。皇帝延登親詔登。猶升也。書逸嘉禾篇曰。周公奉鬯立于阼階。延登贊曰。假王蒞政。勤和天下。此關中古文與觀禮儼者延升合。假讀爲格正也。

四享皆束帛加璧。注云。四當爲三。古書作三四。或皆積畫。此篇又多四字。字相似。由此誤也。鄭志答趙商曰。古三四積畫。說文曰。三籀文四。賈公彥云。古書作三四之字。或皆積畫者。堯典云。帝曰咨三岳。皋陶云。外薄三海。泰誓序云。作泰誓三篇。是古書三四皆積畫也。春秋傳子革云。是四國者。專足畏也。劉光伯規過云。楚語云。今吾城三國。無四國也。炫謂古四字積畫。四當爲三。

大史是右。註云。古文是爲氏。曲禮曰。五官之長曰伯。是職方注云。是或爲氏。漢書云。造父後有非子。孫氏爲莊公。顏監曰。氏與是同。韓勅脩孔廟後碑。以於氏爲於是。漢末有是儀。亦作氏。陳承祚撰魏志。以爲孔文學改氏爲是。殊不知營陵是姓。順帝前已見于碑。見洪适隸續。何至漢季始改氏爲是乎。當時以是氏兩字本通。故或稱氏。或稱是。非有異義。白襃不識蕃皮。陳壽不辨是氏。古字古音皆亡于晉。惜哉。

士喪禮云。陳襲事于房中。西領南上。不綰。注云。綰讀爲絳。屈也。江河之間。謂縈收繩索爲絳。古文綰皆精。說文云。絳。紉未縈繩。讀若旌。案孟郁脩堯廟碑。精字作旌。與古音合。釋文音絳爲側庚反。非也。

布巾環幅不繫。注云。古文環作還。案古環字皆作還。春秋傳云。諸侯之師還鄭而南。又哀三年傳云。道還公宮。公羊傳云。以地還之也。又云。師還齊侯。漢書食貨志云。還廬樹桑。皆讀爲環。

決用正王棘。注云：世俗謂王棘，鼫鼠言王棘可以鼫鼠也。鼫古磔字。史記李斯列傳云：十公主鼫死於杜。張守節云：鼫音貯，格反。司馬貞曰：鼫音宅，與磔同。古今字異耳。司馬公類篇云：王棘一名鼫鼠。劉昌宗音鼫爲托，皆失之。磔鼠見張湯傳。

竹笏。注云：今文笏作忽。案說文無笏字。注今文當作古文傳寫之誤。古笏字本作忽。鄭氏尙書曰：予欲聞六律五聲八音，在治忽。注云：忽者，臣見君所秉書，思對命者也。穆天子傳曰：帙帶指忽。郭璞曰：忽長三尺，杼上推頭，一名琕，亦謂之大圭。从曰勿聲。六書正譌云：忽呼骨切，俗作笏非。說文曰：忽出氣詞也。从日象氣出形。春秋傳有鄭大子忽。說文又云：忽籀文作忽，一曰佩也。象形。忽又與忽通。故儀禮一作忽是也。今治忽字古皆作忽。論語仲忽，古今人表作仲忽。揚雄甘泉賦云：翕赫忽霍。河東賦云：饗忽如神。師古曰：忽讀與忽同。

設決麗于擊。注云：古文擊作挽。案擊依字當作擊。傳寫之誤。說文曰：擊，手擊，从手取聲。漢書郊祀志云：海上燕齊之間，莫不揜擊。游俠傳云：揜擊而游談。高誘呂覽注云：擊讀如捲腕之挽。古文作挽。春秋傳云：揜衛侯之手，反挽。史記：樊於期偏袒揜挽。左傳：史記：多古文。故皆作挽。俗作腕非也。

冪用疏布久之。注云：久讀爲灸，謂以蓋塞鬲口也。旣夕曰：木桁久之。注云：久當爲灸。說文云：久，从後灸之。象人兩脛後有距也。周禮曰：久諸牆以觀其撓。今考工記作灸，諸牆當是後鄭所易。

冪奠用功布。注云：古文奠爲尊。案古尊字作奠，與奠相似，故譌从之。奠从丌，讀若箕。奠从卂，讀若拱。

四鬢去歸。注云鬢解也。今文鬢作剔。案剔與鬢同。大雅抑詩云。用鬢蠻方。魯顏泮水云。狄彼東南。箋云。鬢。皆當作剔。韓詩云。鬢彼東南。蓋从古文。

筮人許諾不述命。注云。古文述皆作術。術與述古今字。毛詩日月云。報我不述。韓詩作術。祭義術省。注云。術當爲述。聲之誤也。

既夕云。設披。注云。披輅柳棺上。貫結於戴。人君旁牽之以備傾。今文披皆爲藩。案披从手皮聲。古音皮。與藩同。藩又藩通。故今文披作藩。聲之誤也。辨見詩攷。

記云。御以蒲葢。注云。蒲葢。杜蒲莖也。古文葢作騶。疏云。案宣十二年。楚熊負羈囚知罃。知莊子以其族反之。廚武子御。每射抽矢。葢納諸廚。武子之房。杜注云。葢好箭。又云。廚子怒曰。非子之求。而蒲之愛。注云。蒲楊柳。可以爲箭。古文葢作騶者。漢書鼂錯傳云。錯上兵事云。材官騶發。矢道同的。如淳曰。騶。矢也。顏監曰。騶。謂矢之善者也。春秋左氏傳。作葢字。其音同耳。騶發。騶。矢以射也。手工矢善。故中則同的。是葢與騶同也。

士虞禮。記云。明日以其班。注云。班。次也。古文班或爲辨。辨氏姓。或然。今文爲胖。棟案古辨字。或讀爲班。故古文班亦作辨。史記五帝紀云。辯于羣神。徐廣曰。辯音班。漢書王莽傳云。辨社諸侯。師古曰。辨讀爲班。春秋傳襄廿五年云。男女以班賂晉侯。此今文也。哀元年云。蔡人男女以班。此古文也。說見劉光伯。規過。今文爲胖者。鄭注王制云。類之爲言班也。類與胖字雖異而義同。是胖猶班也。

莽而小祥。注云古文莽皆作基。案堯母碑莽字亦作基。

中月而禮。注云自喪至中凡二十七月。古文禮或爲導。說文曰因古文因讀若三年導服之導。又木部棧字下所讀同。棟案導服卽禮服。从古文。故曰導。則是因與棧皆讀爲禮。近有妄人作字書名正字通斥許君說爲妄。是未讀儀禮。喪服記云禮而內無哭者。注云禮或皆作道。

特牲饋食禮云主婦視饌饗于西堂下。注云炊黍稷曰饌。古文饌作糒。周禮作饌。說文曰饌酒食也。或作饌从毳。或作糒从米。

主人左執角再拜稽首受復位。詩懷之。注云詩猶承也。謂奉納之懷中。詩正義云內則說負子之禮云詩負之。注云詩之言承也。春秋說題辭云詩之爲言志也。詩緯含神霧云詩者持也。然則詩有三訓。

有司云二手執挑七枋以挹滫。注云挑謂之畝。讀如或春或抗之抗字。或作挑者。秦人語也。今文挑作抗。疏云讀从詩或春或抗。彼注抗。抒白也。案今毛詩生民云或春或揄。毛傳云揄。抒白也。不作抗者。周禮地官女春抗二人。注云女奴能春與抗者。抗。抒白也。詩云或春或抗。董氏引韓詩揄作抗。鄭先通韓詩。故讀从之。說文云。𠄎。抒白也。从爪。白。詩云或簣。當作春。或𠄎。或作抗。从手。从宀。或作𠄎。从白。宀。案詩釋文云。揄說文作𠄎。𠄎訓又與揄同。明簣當作春。姚令威謂後人改𠄎爲蹂。則是宋時說文已誤春爲簣矣。

九經古義卷第十一

禮記古義上

曲禮云。若不得謝。注云。謝猶聽也。棟案謝猶去位也。說文。謝辭去也。楚辭大招云。青春受謝。王逸云。謝去也。謝一作謝。史記蔡澤言范雎云。夫四時之序。成功者去。今時有代謝之語。蓋本于楚辭。顧炎武訓謝爲序。案招魁云。若必筮予之。恐後之謝。不能復用巫陽焉。注亦云。謝去也。若訓爲序。不合事理。戰國策云。靖郭君七日謝病。強辭不得三日而聽。

拾級聚足。注云。拾當爲涉。聲之誤也。案周書嘗麥云。王涉階。故讀从之。陟階猶歷階也。

毋剿說。注云。剿由寧也。今本由作猶。曹憲曰。剿說之。剿當从刀。左傳焉用築城以勦民。乃从力。訓爲勞。跪而遷屨。注云。遷或爲還。公羊春秋云。宋人遷宿。傳云。遷者何。以地還之也。遷與還義得通。故或爲還。離坐離立。毋往參焉。注云。離兩也。離與麗俗作儷。同。故訓爲兩。說見儀禮。周書武順曰。人有中曰參。無中曰兩。戰國策。犀首與張儀參坐於衛君之前。

笑不至矧。注云。齒本曰矧。大笑則見。倉頡篇云。斷齒根也。與鄭異。釋文云。矧本又作哂。說文云。笑不壞顏曰吹。从欠引省聲。張有復古編曰。吹古哂字。

禮不諱嫌名。注云：嫌名謂聲相近。若禹與兩丘與區也。釋文云：丘與區並去求反，非也。古丘字皆讀爲區。故鄭云：聲相近。毛詩丘與詩協。左傳丘與旗協。戰國策：齊嬰兒謠曰：大冠若箕，脩劍挂頤，攻狄不能下。壘枯丘荀卿子曰：言之信者在乎區蓋之間。漢儒林傳：作丘蓋。顏籀匡謬正俗曰：今江淮田野之人猶謂區爲丘，亦古之遺音也。

左右攘辟。注云：攘，卻也。或者攘，古讓字。漢書禮樂志云：隆雅頌之聲，盛揖攘之容。師古曰：攘，古讓字。廣韻云：攘，文字指歸云：揖攘。

入里必式。注云：不誣十室。正義云：論語云：十室之邑，必有忠信如丘者焉。是不誣十室。棟案荀子大略篇云：禹見耕者耦立而式，過十室之邑必下，大戴禮亦云：禹過十室之邑則下，爲秉德之士存焉。故云：不誣十室。

眡於鬼神。注云：眡，致也。眡，或爲祇。張揖埤蒼曰：眡，告也。禮記曰：眡於鬼神。玉篇引：是祇當作眡。爾疋云：眡，告也。

天子之五官云云。注云：此亦殷時制也。史記周本紀云：古公乃貶戎狄之俗，作五官有司。故鄭據以爲說。問大夫之富，曰有宰食力，力當爲加。壞字也。晉語曰：庶人食力，官宰食加。加，加田也。周禮司勳：加田無國征。劉敞以爲無國征者，不征于國。

四足曰漬。注云：漬，謂相灑汗而死也。公羊春秋云：莊十七年，齊人灑于遂。傳云：灑者何？灑，漬也。鄭注本此。

納女於天子曰備百姓。注云：姓之言生也。天子皇后以下百二十人，廣子姓也。吳語曰：越行成于吳，曰一介嫡女，執箕箒以咳姓于王宮。韋昭曰：咳，備也。姓，庶姓也。時越以王禮尊吳，故云咳姓。說文曰：姓，人所生也。古之神聖母感天而生子，故稱天子。从女从生，生亦聲。春秋傳云：天子因生以賜姓。又昭四年傳云：問其姓，對曰：余子長矣。漢書田蚡傳：跪起如子姓。注：姓，生也。

檀弓曰：何居我未之前聞也。注云：居讀爲姬姓之姬。齊魯之間語助也。列子黃帝篇云：關尹謂列子曰：姬魚語女。張湛曰：姬音居，魚當作吾。棟案左傳：誰居之居，亦音基。孝經及論語皆云：居吾語女。古人讀居爲姬，讀吾爲魚。外傳晉語云：暇豫之吾吾，不如鳥鳥。韋昭曰：吾讀爲魚。列子因之，遂以居爲姬，吾爲魚。皆聲之誤也。易繫辭云：則居可知矣。鄭云：居讀爲姬。

孔氏之不喪出母，自子思始也。注云：記禮所由廢，非之。淮南子曰：孔氏不喪出母，此禮之失者。

細人之愛也，以姑息。注云：息，猶安也。言苟容取安也。案呂覽觀世篇云：周武王告諸侯曰：商王大亂，沈于酒德，辟遠箕子，爰近姑與息。

子夏喪其子而喪其明。注云：明目，精。冀州從事郭君碑云：卜商號眇，喪子失名，或疑借名爲明，愚案爾疋釋訓云：猗嗟，名兮，目上爲名，名在眉目之間，失名者，失其珠子也。

池視重雷。注云：如屋之有承雷也。承雷以木爲之，用行水，亦宮之飾也。今宮中有承雷云，以銅爲之。漢書宣紀：神爵元年詔曰：金芝九莖，產於函德殿銅池中。如淳曰：銅池承雷也。

我喪也。斯沾。注云：斯，盡也。沾，讀曰覘，覘，視也。國昭子自謂齊之大家，有事人盡視之，此解非是。斯，此也。沾，薄也。國子蓋言我母之喪，而使婦人從賓位，斯爲薄矣。沾，訓薄。見張揖廣雅，俗作添，非是。曹憲云：沾，他，緘反。世人水傍著忝，失之，又以此占字爲霑，亦失之。鄭氏改沾爲覘，恐未安。

人喜則斯陶，陶斯咏，咏斯猶，猶斯舞，舞斯愠，愠斯戚，戚斯歎，歎斯辟，辟斯踊。七經小傳云：案人舞宜樂，不宜更愠，又不當漸至辟踊。此中間有遺文矣。蓋本曰：人喜則斯陶，陶斯咏，咏斯猶，猶斯舞，舞斯蹈矣。人悲則斯愠，愠斯戚，戚斯歎，歎斯辟，辟斯踊矣。自喜而下，五變而至蹈，自悲而下，亦五變而至踊。所謂孺子慕者也。棟謂劉氏之說是也，而以爲中間有遺文者非。蓋衍文也。案古本禮記無舞斯愠，及注愠猶怒也七字。故陸氏釋文云：此喜怒哀樂相對本，或於此句上有舞斯愠一句，并注皆衍文。喜則陶以下，敘樂之節也。愠斯戚以下，敘哀之節也。文自相配，不須增入。人悲則斯愠五字，古文文簡而意備，非若後世之繁重也。釋文具在，何不以取正之，而爲是臆說邪？何嗣曰：樂終則愠起，則其誤已始于六朝。陸氏所據，當是晉宋古本。

咏斯猶。注云：猶當爲搖聲之誤也。搖謂身動搖也。秦人猶搖聲相近。爾疋云：繇，喜也。郭璞曰：詠斯猶，猶，繇也。古今字耳。

設萋翬。注云：萋，翬棺之牆飾。周禮萋作柳，縫人職云：衣翬柳之材。注云：柳之言聚，諸飾之所聚。故書翬柳，作接櫝。鄭司農云：接，讀爲躒，櫝，讀爲柳，皆棺飾。萋與樓通。爾疋云：樓，聚也。又與樓通。莊子達生云：死得

於豚楯之上。聚僂之中。釋文云。謂殯於葢塗。萋翌之中。荀子禮論云。無幡絲黼縷。襲其頽。以象菲帷。幡。尉注云。縷讀爲柳。

衛有大史曰柳莊。案古今人表。作柳壯。師古曰。壯讀曰莊。棟案晉語曰。趙簡子問于壯。馳茲義作莊。嚴訢碑云。兆自楚壯。卽楚莊王也。漢諱莊。改曰嚴。漢時莊作壯。盈作盈。疑皆爲避諱。而非正字。

洿其宮而豬焉。注云。豬。都也。南方謂都爲豬。尙書大傳曰。遂踐奄。踐之者。籍之也。籍之。謂殺其身。執其家。豬其宮。豬本與都通。禹貢大野。旣豬。史記作旣都。又孟豬亦爲明都。

趙文子與叔譽。觀乎九原。注云。叔譽。叔向也。知叔譽是叔向者。晉語云。趙文子與叔向游於九京。故知叔譽是叔向。周書大子晉云。晉平公使叔譽于周。見大子晉而與之言。五稱而五窮。孔晁云。叔譽者。大夫叔向也。春秋時。大夫有兩字者。如子產一字子美是也。

文子其中追。一作退。然如不勝衣。注云。中。身也。鄉射記曰。弓二寸以爲侯中。楚語。左執鬼中。韋昭曰。中。身也。禮曰。其中退然。

王制。西方曰棘。注云。棘當爲夔。夔之言偃。高誘呂覽注云。夔讀如匍匐之匍。

王三。又注云。又當作宥。古侑字作宥。見儀禮注。古宥字作有。見今文尙書論衡引。古有字作又。宥字作宥。見周伯映彝。嘯堂集古錄。又當爲宥壞字也。

執左道以亂政。殺盧植曰。左道謂邪道。案古左與邪通。子虛賦云。邪與肅慎爲鄰。師古曰。邪讀爲左。漢書

引周書云。以左道事君者誅。

有圭璧金璋。不粥於市。皇侃以爲用金爲印章。案此則璋字古本作章。今從玉旁者非也。

月令。其器疏以達。注云。器疏者。刻鏤之象物。當貫土而出也。玉篇引云。其器珩以達。說文云。珩。通也。从爻。

从疋。疋亦聲。大玄經有珩首。

還反。賞公卿諸侯大夫於朝。呂覽反作乃。下同。或云。反當依呂氏作乃。案穆天子傳云。天子還返。還返連

文。月令是也。

命相布德和令。後漢禮儀志云。立春之日。下寬大書曰。制詔三公。方春東作。敬始慎微。動作從之。罪非殊

死。且勿案驗。皆須麥秋。退貪殘。進柔良。下當用者。如故事。劉昭曰。月令。命相布德和令。蔡邕曰。卽此詔

之謂也。

孟春。天子乃以元日。祈穀于上帝。乃擇元辰。躬耕帝藉。注云。元辰。蓋郊後吉亥也。俗本作吉辰。正義曰。知

用亥者。以陰陽式法。正月亥爲天倉。以其耕事。故用天倉也。盧植。蔡邕。竝云。郊天是陽。故用日。耕藉是

陰。故用辰。元者善也。皇氏云。正月建寅。日月會辰在亥。故耕用亥也。南齊志。大學博士劉蔓議禮。孟春

之日。立春迎春。又於是月。以元日祈穀。又擇元辰。躬耕帝藉。盧植說禮通辰。日。甲至癸也。辰。子至亥

也。郊天陽也。故以日藉田。陰也。故以辰。陰禮卑後。必居其末。亥者辰之末。故記稱元辰。注曰。吉亥。又據

五行之說。木生于亥。以亥日祭先農。又其義也。太常丞何譚之義。鄭注云。元辰。蓋郊後吉亥也。亥水辰

五行之說。木生于亥。以亥日祭先農。又其義也。太常丞何譚之義。鄭注云。元辰。蓋郊後吉亥也。亥水辰

也。凡在懇稼。咸存灑潤。五行說十二辰爲六合。寅與亥合。建寅月東耕。取月建與日辰合也。國子助教桑惠度議。尋鄭玄以亥爲吉辰者。陽生于子。元起于亥。取陽之元。以爲生物。亥又爲水。十月所建。百穀賴茲沾潤畢熟也。

天子乃鮮羔。注云。鮮當爲獻。聲之誤也。今呂覽鮮作獻。故鄭讀从之。獻有軒音。故云聲之誤。

是月也。祀不用犧牲。用圭璧。更皮幣。蔡氏章句云。此祀不用犧牲者。祈不用犧牲。案春秋傳云。祈以幣。更。故蔡據爲說。月令問答曰。問者曰。仲春令不用犧牲。以圭璧更皮幣。不用犧牲何也。曰。是月獻羔。以大牢祀高禘。宗廟之祭。以中月。安得用犧牲。祈者。求之祭也。著令者。豫設水旱疫癘。當禱祈用犧牲者。是用之助生養。傳祈以幣代牲。章因於高禘之事。乃造說曰。更者刻木代牲。如廟有祧更。此說自欺極矣。經典傳記。無刻木代牲之說。蓋書有轉誤。三豕渡河之類也。

是月也。乃合累牛騰馬。遊牝于牧。高誘曰。累牛。父牛也。騰馬。父馬也。皆將羣遊。從牝於牧之野。風合之。服虔左氏解誼云。牝牡相誘謂之風。

淫雨蚤降。注云。今月令曰。衆雨。案呂覽亦作淫雨。說文雨部云。霽。小雨也。从雨衆聲。明堂月令曰。霽雨職戎切。鄭所云。今月令。皆明堂月令也。

腐草爲螢。明堂月令曰。腐草爲蠋。說文云。馬蠋也。時則訓作腐草化爲蚺。高誘注曰。蚺馬蚺。一曰螢火。無或差貸。案貨依字當作貢。古忒字。呂覽正作忒。易豫彖云。四時不忒。京房本作貢。尙書洪範衍忒。史記

作衍賁。又管子書皆以賁爲忒。今皆讀爲二者非。張參五經文字云。賁相承或借爲賁字。是賁與賁通。又漢張表碑。苛忒字。作荷憇。此其證也。

季夏行春令。則穀實鮮落。案呂覽淮南鮮皆作解。

順彼遠方。呂覽云。巡彼遠方。案巡當作循。聲之誤也。儀禮注云。古文循作順。故月令作順。高誘淮南注云。順。循也。鄭氏云。順猶服也。是讀爲馴。

養衰老。授几杖。行糜粥飲食。高誘曰。陰氣發。老年衰。故共養之。授其几杖。賦行飲食糜粥之惺。今之八月。比戶賜高年鳩杖粉粢是也。周禮大羅氏掌獻鳩以養老。又伊耆氏掌共老人之杖。王制云。凡三王養老。皆引年。注云。引戶。校年。當行復除也。續漢書禮儀志云。仲秋之月。縣道皆案戶比民。年始七十者。授之以王杖。舖之糜粥。八十九十。禮有加賜。後漢書江革傳云。每至歲時。縣當案比。革以母老。不欲搖動。自在轅中輓車。此鄭氏所云。引戶校年。當行復除是也。

無不務內。呂覽內作入。內古文入。

固封疆。注云。今月令。疆或謂璽。案呂覽亦作璽。高誘讀爲移徙之徙。

天子乃命將帥。講武習射。御角力。盧植曰。角力。如漢家槩之引闕。蹋鞠之屬也。

水泉咸竭。呂覽咸作減。春秋傳云。咸黜不端。正義云。諸本咸。或作減。是咸與減通。

水澤腹堅。釋文云。腹本又作復。又方服反。案呂覽作復。高誘曰。復。亦盛也。復。或作復。凍重累也。

文王世子問內豎之御者注云御如今小史直日矣外傳史黯謂趙簡子曰臣敢煩當日韋昭曰當日直日也戰國策云郢之登徒直使高誘曰直當日直使也

夢帝與我九齡釋文作聆云本或作齡案說文無齡字樊毅修華嶽碑云垂曜萬輪婁壽曰漢碑齡皆作輪齡亦借用字下文云古者謂年齡齒亦齡也故字從齒未詳當攷廣雅曰齡年也九經攷異云九齡石經作稔案漢石經禮記無攷未詳何據

況于其身以善其君乎注云于讀爲迂迂猶廣也大也案鄭氏論語云子之于也何晏本于作迂蓋古字通

織劓注云織讀爲殲釋文云織依注者鍼之林反徐子廉反注本或作織讀爲殲者是依徐音而改也案此則當云織讀爲鍼故下注訓爲刺今本皆從徐音誤爲殲

告于甸人注云告讀爲鞠讀書用法曰鞠依字當作鞠正義云讀書讀囚人之所犯罪狀之書用法謂以法律平斷其罪案秋官司小司寇讀書用法先鄭云如今讀鞠已乃論之賈公彥曰鞠謂劓囚之要辭讀已乃行刑漢書功臣表云新時侯趙弟坐鞠獄不實如淳曰鞠者以其辭決罪也張湯傳云訊鞠論報張晏曰鞠一吏爲讀狀論其報行也刑法志云遣廷史與郡鞠獄如淳曰呂囚辭決獄事爲鞠謂疑獄也

三老五更注云三老五更各一人皆年老更事致仕者也名以三五者取象三辰五星天所因以照明天


下者。又樂記注云。三老五更。互言之耳。皆老人更知三德五事者也。案三老五更。諸儒之說各異。宋均援神契注云。三老。老人知天地人事者。五更。老人知五行更代之事者。應劭漢官儀曰。三老五更。三代所尊也。三者。道成於天地人。老者久也。舊也。五者。訓於五品。更者。五世長子更相代。言其能以善道改更已也。盧植禮記注云。選三公老者爲三老。卿大夫中之老者爲五更。蔡邕以更字爲叟云。三老。國老也。五叟。庶老也。叟。長老之稱。又以三老爲三人。五叟爲五人。案蔡集問答云。三老五更。子獨曰。五叟何也。曰。字誤也。叟。長老之稱。其字與更相似。書者轉誤。遂以爲更。嫂字女旁。瘦字从叟。今皆以爲更矣。立字法者。不以形聲。何得以爲字。以嫂瘦推之。知是更爲叟也。棟案列子黃帝篇云。禾生子伯宿。於田更商丘開之舍。注云。更當作叟。然則蔡說不爲無據。

禮運。孔子曰。大道之行也。與三代之英。丘未之逮也。而有志焉。注云。志。謂識古文。

諸侯非問疾弔喪。而入諸臣之家。是謂君臣無諱。荀子大略曰。君於大夫三問其疾。三臨其喪。於士一問一臨。諸侯非問疾弔喪。不之臣之家。

故聖人耐以天下爲一家。注云。耐。古能字。傳書世異。古字時有存者。則亦有今誤者。樂記注云。耐。古書能字也。後世變之。此獨存焉。古以能爲三台字。王莽傳云。三能文馬是也。棟案古三台字作能。古能字作耐。又作而。古耐字作𦘔。說文云。𦘔。罪不至髡也。從而从三。或作耐。从寸。諸法度字从寸。應劭漢書注云。輕罪不至于髡。完其耐鬢。說文曰。而。頰毛也。象毛形。周禮曰。作其鱗之而。故曰𦘔。古耐字。从三。髮膚之

意也。杜林以爲法度之字皆從寸。後改如耐。音若能。孔穎達曰：不虧形體，猶堪其事，故謂之耐。鄭云：則亦有今誤者。正義云：今書雖存古字爲耐，亦有誤。不安寸，直作而字，則易屯象云：利建侯而不寧。及劉向說苑：能字皆爲而也。呂覽正月紀云：晉平公問於祁黃羊曰：南陽無令，其誰可而爲之？高誘注云：而能爲治。又士容論云：柔而堅，虛而實，注而能也。淮南子曰：轉化推移得之道，而以少勝多。高誘曰：而能也。能以寡統衆，是秦漢之書皆以而爲能。



九經古義卷第十二

禮記古義下

禮器次路繁纓。七就。七當爲五。古五字如七。見王肅詩傳。因誤爲之。郊特性云。次路五就。注云。禮器言次路。七就。與此乖字之誤也。

大圭不琢。注云。琢當爲篆字之誤也。漢書董仲舒傳云。良玉不琢。注云。琢謂彫刻爲文也。

晉人將有事於河。必先有事於惡池。注云。惡當爲呼聲之誤也。呼池。嘔夷。并州川。秦惠王詛楚文云。告于不羸大神亞駝。亞駝。卽惡池也。亞與惡通。詳易古義。

配林。注云。配林。林名。盧植云。配林。小山。林麓。配泰山者也。風俗通云。配林。林樹木之所聚生也。今配林在泰山西南五六里。何休注。公羊。引作蜚林。蜚聲近妃。古配字作妃。聲之誤也。

郊特性。鄉人禡。注云。禡。或爲獻。或爲儺。鄭氏論語曰。鄉人儺。注云。十二月。命方相氏。索室中。驅疫鬼。魯讀儺爲獻。今从古。案此則古文論語作鄉人儺。魯論語作鄉人獻。故此注云。或爲獻。或爲儺。禮家所傳亦。有異同也。獻讀爲莎。又讀爲義。義音莪。聲近儺。

而流示之禽。而鹽諸利。注云。鹽讀爲豔。行田示之以禽。使歆豔之。觀其用命不也。棟案古樂府。有昔昔鹽。

三婦鹽亦作豔古字通

內則柔色以溫之注云溫藉也承尊者必和顏色匡謬正俗曰案文當云柔和顏色以溫悅尊者之心不當改讀爲蘊此說非也古蘊藉字皆作溫其蘊藻蘊蓄之字則从艸溫聲正義云言于事父母當和柔顏色承藉父母若藻藉承玉然斯說得之詩云飲酒溫克易云藉用白茅皆取和柔之義詩小宛溫克箋云飲酒雖醉猶能溫藉以持以勝正義云定本及箋作溫字舒瓌云包裹曰蘊謂蘊藉自持舍容之義經中作溫者蓋古字通用經籍志舒瓌撰毛詩義疏

三牲用藪注云藪煎茱萸也漢律會稽獻焉說文云漢律會稽獻藪一斗从艸藪聲

接以大牢注云接讀爲捷捷勝也謂食其母使補虛強氣也棟案接與捷通故訓爲捷鄭氏周易晉卦云晝日三接注云接勝也音捷是讀爲捷春秋經云宋萬弑其君捷賈逵云公羊穀梁曰接大戴禮官人云九用八曰取接給而廣中者接給猶捷給也

祇見孺子注云祇敬也或作振古祇振字通史記夏本紀皋陶述其謀曰日嚴振敬六德今尙書振作祇振文與震通魯世家周公作毋逸云治民震懼今無逸作祇懼蔡邕石經般庚云今爾惠朕曷祇動萬民以遷今盤庚云爾謂朕曷震動萬民以遷祇與振義同而音異批督云祇復之魯世家批督云敬復之徐廣云敬一作振

玉藻諸侯茶前詘後直注云茶讀爲舒遲之舒舒儒者所畏在前也考工弓人云寬緩以茶注云茶古文

舒假借字。鄭司農云。茶讀爲舒。舒徐也。

趨以采齊。注云。齊當爲楚。齊之齊。案詩作楚。茨。王逸楚辭章句引詩云。楚楚者資。其字皆以齊次爲聲。同

物同音。故大戴禮保傅篇云。行以采茨。趨以肆夏。又云。揚中采茨。趨中肆夏。鄭从周禮作齊。又引楚茨

以證之。明同物也。

大夫佩水蒼玉。而純組綬。注云。純當爲緇。古文緇字。或作絲旁才。絲當作糸。周禮媒氏曰。入幣純帛。無過

五兩。注云。純實緇字也。古緇以才爲聲。賈公彥曰。古之緇有二種。其緇布之緇。糸旁留。後不誤。故禮有

緇布冠。緇布衣。存古字。若以絲帛之緇。則糸旁才。案毛公行露傳曰。昏禮紃帛。不過五兩。故鄭據爲說。

學記。善待問者如撞鐘。墨子曰。君子如鐘。扣則鳴。不扣則不鳴。荀子曰。不問而告者。謂之傲。問一而告二

謂之囋。朱新仲云。今人謂屢說曰暫。蓋囋字也。傲非也。囋非也。君子如嚮矣。如嚮者。卽繫辭所云。問焉

而以言。其受命也如嚮。是也。二說可與善待問者如撞鐘。相發明。

樂記。竹聲濫。濫以立會。會以聚衆。注云。濫之意。猶擊聚也。會猶聚也。聚或爲最。古最。聚通用。管子禁藏篇

曰。冬收五藏。最萬物。注最。聚也。史記殷本紀云。大最樂戲於沙丘。徐廣曰。最一作聚。又周本紀有周聚。

徐廣曰。一作最。最亦古之聚字。公羊隱元年傳云。會猶最也。何林云。最之爲言聚。若今聚民爲投最。

武坐致右憲左。注云。憲讀爲軒。聲之誤。古憲。軒二字音相通。詩云。天之方難。無然憲憲。毛傳云。憲憲猶欣

欣也。欣讀爲軒。與難合韻。鄭注內則云。軒讀爲憲。揚雄河東賦云。麾城擗邑。李奇曰。擗音車。憶之憶。憶

从巾憲聲。反復相訓。蓋古音通也。內則亦讀憲爲軒。

封帝堯之後於祝。注云。祝或爲鑄。周本紀云。封黃帝之後於祝。張守節以爲東海祝其縣。非也。汲郡古文云。平王三年。齊人滅祝。此東海縣也。古祝鑄同音。淮南子俶真訓曰。冶工之鑄器。高誘曰。鑄讀作祝。續漢志云。濟北蛇邱有鑄鄉城。劉昭曰。周武王未及下車。封堯後於鑄。春秋傳云。臧宣叔聚于鑄。杜氏鑄國。濟北蛇丘縣所治。呂氏春秋慎大覽云。武王勝殷。入殷未下饗。命封黃帝之後於鑄。封帝堯之後於黎。封帝舜之後於陳。高誘曰。鑄國名。

曲直繁瘠。廉肉節奏。荀子瘠作省。棟案省與膏通。膏猶瘠也。故字亦作瘠。尋文義繁省爲長。

雜記。計於適者。依說文。計當作赴。注云。適讀爲匹敵之敵。謂爵同者也。鄭氏論語云。無敵也。無莫也。古文論語。敵作適。荀子君子篇云。天子四海之內。無客禮。告無適也。注云。適讀爲敵。史記范雎傳。攻適伐國。田單傳。適人開戶。李斯傳。羣臣百官皆畔不適。徐廣皆音征敵之敵。是適爲古文敵也。

注。六服皆袍制不禪。以素沙裏之。如今桂袍襪重繒矣。正義云。漢時有桂袍。其袍下之襪。以裏繒爲之。釋名云。婦人以絳作衣裳。上下連。四記施緣。亦曰袍。賈公彥曰。男子袍既有衣裳。今婦人衣裳連。則非袍。而云袍制者。正取衣複不單。與袍制同。桂袍猶圭衣也。鄭注內司服云。今世有圭衣者。蓋三翟之遺俗。釋名曰。婦人上服曰桂。其下垂者。上廣下狹。如刀圭也。江充傳云。曲裙後垂交輸。如淳曰。交輸。割正幅。使一頭狹若燕尾。垂之兩旁。見於後。是禮深衣續衽鉤邊。賈逵謂之衣圭。亦舉漢法以明之。蘇林曰。交

輸如今新婦袍。上挂全幅。緋角割。續漢志云。諸古麗。圭。襖。閨。緣。加上之服。建武永平。禁絕之。麗。圭。襖。閨。緣。卽圭衣之類。袍所以苞內衣。故云。加上之服。皆重緋厚練。永平初。惟中宮皇太子得服之。蓋以儉化俗也。釋名曰。襖。撰也。青絳爲之緣。玉篇曰。撰。緣。襖。緣。襖。施緣也。

諸侯出夫人。有司官陳器皿。注云。器皿其本所齋物也。律弃妻。畀所齋。韓非子說林曰。衛人嫁其子。而教之曰。必私積聚。爲人婦而出常也。其成居幸也。其子因私積聚。其姑以爲多私而出之。其子所以反者。倍其所以嫁。妻有三不去。一曰有所取。無所歸。

喪大記。君大夫鬢爪。實于綠中。注云。綠當爲角聲之誤也。角中。謂棺內四隅也。

坊記。高宗云。三年其惟不言。言乃謹。注云。謹當爲歡聲之誤也。其旣言。天下皆歡喜。樂其政教也。熊朋來經說云。坊記言乃謹之注。但知有說命之書。不知其爲無逸之文。妄指爲謹說之謹。不知本文當爲雍。作釋文正義者。從而遂非傳說。尤爲可恨。棟案。鄭未嘗以此書爲免命之篇。此正義之誤。鄭氏尙書無佚篇云。乃或梁闇三年不言。其維不言。言乃雍。注云。楣謂之梁。闇讀如鶴。鶴謂廬也。其不言之時。有所言。則羣臣皆和諧。是鄭非不知無佚之篇。謹作雍。以記稱高宗書序。又有高宗之訓。此篇已亡。何知不在商書。而猥舉無佚之篇。改謹爲雍也。且馬遷從孔安國問。多得古文之說。其所作魯世家。稱無逸云。乃有亮闇三年不言。言乃謹。正與坊記所載同。古今異文。師徒異讀。必欲執一說以繩之。此井鼈夏蟲之見也。吳興張謙中復古編云。闇治喪廬也。从門音。高宗梁闇三年不言。何謂梁闇。伏生書大傳。楣

謂之梁闇讀如鷓禮喪服四制卒哭後翦屏杜楣謂之梁闇晉賈后取妹丈韓壽子養之託梁闇所生別作庵非烏含切又烏紺切

中庸壹戎衣注云戎兵也衣讀如殷聲之誤也齊人言殷聲如衣虞夏商周氏者多矣今姓有衣者殷之胄與案康誥云壹戎殷故鄭讀从之古依字作身从反身殷字从此故讀殷爲肩聲如依也呂覽權勳篇云親鄴如夏高誘曰鄴讀如衣今兗州人謂殷氏皆曰衣

治國其如示諸掌乎注云示讀如真諸河干之真真置也物而在掌中易爲知力者也古真字多作示易坎之上六云真于叢棘劉表真作示范甯注穀梁引易云繼用徽纆示于叢棘毛詩鹿鳴云示我周行箋云示當作真

仁者人也注云人也讀如相人偶之人以人意相存問之言案公食大夫禮云賓入三揖注云每曲揖及當碑揖相人偶蓋賓主揖讓互相親偶親親之意亦如之也老子道經曰如嬰兒之未孩河上公注云如小兒未能答偶人時也

好學近乎知說苑建本篇云中庸曰好問近乎智力行近乎仁知恥近乎勇漢書公孫弘上書引禮記亦云好問近乎知師古曰疑則問之故成其智

表記仁者人也注云人也謂施以人恩也春秋傳曰執未有言舍之者此其言舍之何人也正義云施人以恩謂意相愛偶人也引春秋傳者成十六年公羊傳文傳稱欲人愛此行父故特言舍之引之者證

人是人偶相存愛之義也。

義而順。文而靜。注云：靜或爲情。古靜與情每相通。周書官人云：情忠而寬，貌莊而安。大戴禮官人：情作靜。周書又云：飾貌者不靜，大戴禮作不情。

緇衣：信以結之，則民不倍；恭以泄之，則民有孫心。□□禮記：孫心作遜，棟謂緇衣，孫心當作遜，猶祭義。見間當爲颯。史記刺齒當爲齧。孟子：正心當爲忘，皆一字誤爲二字也。說文：遜，順也。書云：五品不遜，今文尙書作訓。史記魯世家云：宣王伐魯，殺其君伯御，而問魯公子能道順諸侯者，徐廣曰：順一作訓。張守節云：順音訓。古文尙書作遜，今孔氏本作孫，衛包又改作遜。古文亡矣。薛宣尙書作遜，緇衣猶存古字。毛居正作正誤，又從而改之，益歎識字之難。訓讀爲馴，遜解爲順，順猶馴也。義本不殊。

葉公之顧命。注云：楚縣公葉公子高也。臨死遺書曰：顧命。棟案：其辭有莊后大夫卿士，非葉公之言也。此周書祭公謀父之辭。穆王時，祭公疑不瘳，王曰：公其告予懿德。祭公拜手稽首曰：嗚呼！天子女無以嬖御，固莊后女無以小謀敗大作，女無以嬖御，士疾大夫卿士，祭公將歿而作此篇，故謂之顧命。其事亦見汲郡古文。王伯厚已有是說，余特表而出之。此傳寫之誤，非傳禮之誤。二禮如明堂位：文王官人，皆采自周書。王氏以爲傳禮之誤，非也。

故君子寡言而行，以成其信。注云：寡當爲顧，聲之誤也。釋文云：寡音顧。出注：棟案：寡當音鼓。尙書微子云：我不顧行遜。徐仙民云：顧音鼓。商詩：韋顧既伐。古今人表：作韋鼓。顧有鼓音，與寡聲近。故鄭氏云：聲之

誤。

三年問故先王焉爲之立中制節棟案焉於也。呂氏月令曰天子焉始燹月高誘曰焉猶於此。高注淮南

云焉於也。外傳晉語曰焉作轅田焉作州兵皆訓爲於言於是始作轅田州兵也。荀子焉作安楊倞曰

安語助猶言抑也。或作安或作案。荀子多用此字。禮記三年問作焉。戰國策謂趙王曰秦與韓爲上交

禍案移於梁矣。今戰國策案作安。秦與梁爲上交。秦禍案攘於趙矣。呂氏春秋吳起謂商文曰今置質

爲臣其主安重釋璽辭官其主安輕。蓋當時人通以安爲語助或方言耳。

投壺籌室中五扶堂上七扶庭中九扶。注云籌矢也。輔四指曰扶。韓非子云上失扶寸下得尋常。注云四

指爲扶一指按寸。春秋傳曰膚寸而合。鄭知扶與膚同者。尚書大傳云五岳皆觸石出雲扶寸而合。不

崇毛萋詩傳云崇終也。朝而雨天下彼注云四指爲扶。音膚。書傳所載與公羊同而其字作扶。故扶爲

膚。何休云側手爲膚。案指爲寸。玉篇引公羊傳云扶寸而合。廣韻同。又引注云側手曰扶。案指曰寸。是

古本公羊膚皆作扶。

儒行其飲食不溲。注云恣滋味爲溲。溲之言欲也。案歸藏易需卦之需作溲。見胡氏啓蒙。周易象云君子


以餘食宴樂溲音辱。春秋傳云辱必求之吾助子請服虔解誼云辱欲也。

大學致知在格物。文選注倉頡篇云格量度之也。量度事物致知之道也。

此之謂自謙。注云謙讀爲慊。慊之言厭也。詩湛露云厭厭夜飲。傳云厭厭安也。安靜之意。故書本作謙。鄭

讀爲慊。今集注本直作慊字。非也。鄭下注命也之命。讀爲慢。朱子从之。仍依本字訓爲慢。此謙字亦當依本字訓爲慊。

射義。古者天子之制。諸侯歲獻貢士於天子。注云。歲獻。獻國事之書。及計偕物也。漢書元光四年。徵吏民有明當時之務。習先聖之術。署縣次續食。令與計偕。蓋取法三代。因歲獻而貢士之意。三歲而貢士。舊說云。大國三人。次國二人。小國一人。何休注公羊云。禮諸侯三年一貢士於天子。天子命與諸侯輔助爲政。所以通賢共治。示不獨專。重民之至。大國舉三人。次國舉二人。小國舉一人。



九經古義卷第十三

公羊古義上

公羊有嚴、顏二家。蔡邕石經所定者嚴氏春秋也。何邵公所注者顏氏春秋也。何以知之。以石經知之。石經載公羊云。桓公二年。顏氏有所見異辭。所聞異辭云云。是嚴氏春秋已見于隱元年。於此不復發傳也。今何本有之。又云。卅年。顏氏言君出則已入。此僖三十年傳也。又云。顏氏無伐而不言圍者。非取邑之辭也。今何氏本亦無。以此知何所注者。蓋顏氏春秋也。鄭康成注三禮。引隱五年傳云。登戾之。又引桓十一年傳云。遷鄭焉而鄙留。又引隱二年傳。放於此乎。與石經同。與何氏異。蓋所據者嚴氏本也。藝文志云。公羊顏氏記十一篇。後漢張伯饒又減定爲二十萬言。顏氏說經。以襄公廿一年之後。孔子生訖。卽爲所見之世。又以爲十四日日食。周王爲天囚之類。倍經違戾。皆何邵公所不取。

康成六藝論云。治公羊者。胡毋生、董仲舒、董仲舒弟子。嬴公、嬴公弟子。眭孟、眭孟弟子。莊彭祖及顏安樂。安樂弟子。陰豐。儒林傳作冷豐。劉向本傳不載。王彥無攷。劉子政從顏公孫受公羊春秋。本傳不載。然封事多用公羊說。

閔因敘云。昔孔子受端門之命。制春秋之義。使子夏等十四人。求周史記。得百二十國寶書。九月經立感。

精符考異郵說題辭。具有其文。沈文何云。嚴氏春秋引觀周篇云。孔子將脩春秋。與左丘明。蔡如周。觀書於周史。歸而脩春秋之經。丘明爲之傳。共爲表裏。周禮小史掌邦國之志。先鄭云。春秋傳所謂周志。國語所謂鄭書之屬。外史掌四方之志。後鄭云。謂若魯之春秋。魯之榘。楚檮杌。墨子明鬼篇。有周春秋。章昭注。國語引之。燕春秋。宋春秋。齊春秋。何氏莊七年注云。古者謂史記爲春秋。其言百二十國寶書者。案唐虞萬國。殷三千。見周書。周千七百。有七十三。春秋以下。兼國多矣。故魯大夫對孟孫曰。禹合諸侯。執玉帛者萬國。今其存者無數十焉。公羊疏問曰。今經止有五十餘國。通夷。夷。宿。潞之屬。僅有六十。然當時外史之所掌。尙得百二十國。故墨子亦云。吾見百國春秋是也。

六藝論云。春秋者。國史所記。人君動作之事。左史所記爲春秋。右史所記爲尙書。是以王藻云。動則左史書之。言則右史書之。鄭注云。其書春秋尙書具存者。記文先言左史。鄭注先言春秋。明以左史爲春秋矣。周書史記篇云。維正月。王在成周。昧爽召三公。左史戎夫。乃取遂事之要。戒俾戎夫言之。汲郡古文亦云。穆王廿四年。命左史戎夫作記。古今人表云。右史戎夫。然則左史所記爲尙書。是以荀悅申鑒云。古者天子諸侯。有事必告于廟。朝有二史。左史記官。右史書事。事爲春秋。言爲尙書。禮記正義引六藝論云。右史記事。左史記言。先儒皆據玉藻之文。以春秋屬左史。尙書屬右史。熊安期禮記義疏云。按周禮大史之職云。大師抱天時。與太師同車。又襄廿五年傳曰。大史書曰。崔杼弑其君。是大史記動作之事。在君左。廂記事。則大史爲左史也。案周禮內史掌王之八枋。其職云。凡命諸侯及孤卿大夫。則策命之。僖廿八年傳曰。

內史叔與父策命晉侯爲侯伯。是皆言誥之事。是內史所掌。在君之右。故爲右史。是以酒誥云。矧大史友。內史友。鄭注。大史內史掌記言記行。是內史記言。大史記行也。此論正法。若其有闕。則得交相攝代。故洛誥。史佚命周公伯禽服虔注文十五年傳云。史佚周成王大史。襄廿年。鄭使大史命伯石爲卿。皆大史主爵命。以內史闕故也。以上皆熊說。

蔡邕公羊石經。隱十年下云。此公子翬也。云云。又哀十有四年下云。何以書。記異也。云云。皆無經文。案孔穎達詩正義云。漢初爲傳訓者。皆與經別行。三傳之文。不與經連。故石經書公羊皆無經文。是也。隱元年傳云。會猶最也。注云。最乏爲言聚。若今聚民爲投最。古最聚通。見禮記古義。如勿與而已矣。注云。如卽不如。齊人語也。

惠公者何。隱之考也。注云。生稱父。死稱考。入廟稱禰。疏云。舊說云。禰字示旁爾。言雖可入廟。是神示。猶自最近于己。故曰禰。郭景純注爾疋云。禮記曰。生日父母。死曰考妣。說文云。妣。歿母也。今世學者從之。案尙書曰。大傷厥考心。事厥考厥長。聰聽祖考之彝訓。如喪考妣。公羊傳曰。惠公者何。隱公之考也。仲子者何。桓之母也。倉頡篇曰。考妣延年。明此非死生之異稱矣。顧寧人云。古人曰父曰考。一也。自檀弓定爲生日父。死曰考之稱。而爲人子者。當有所諱矣。

王者据土。與諸侯分職。俱南面而治。有不純臣之義。故異姓謂之伯舅。叔舅。同姓謂之伯父。叔父。許叔重五經異義云。公羊說諸侯不純臣。左氏說諸侯者。天子蕃衛純臣。謹案。禮王者所不純臣者。謂彼人爲

臣皆非己德所及。易曰：利建侯。侯者，王所親建純臣也。玄之聞也。已下鄭駁賓者，敵主人之稱，而禮諸侯見天子，稱之曰賓，不純臣諸侯之明文矣。是鄭據周禮大行人，以爲不純臣之證。與何氏合。白虎通云：王者不純臣諸侯，何尊重之，以其列土傳子孫，世世稱君，南面而治，凡不臣異朝，則迎之於著，覲則待之於阼階，升降自西階爲庭燎，設九賓享禮而後歸，是異于衆臣也。

二年傳始滅，昉於此乎？注云：昉，適也。齊人語。疏云：胡母生齊人，故知之。若鄭譜云：然則詩之道，放于此乎之類。棟案：五年傳云：始僭諸公，昉於此乎？蔡邕石經公羊，昉作放。鄭康成注考工記云：旃讀如放於此乎之放，是漢時公羊，昉皆作放。

三年傳云：其稱尹氏何？貶，曷爲貶？譏世卿。世卿，非禮也。宣十年齊崔氏傳同。五經異義：卿得世云。今春秋公羊穀梁說云：卿大夫世位，則權并一姓，妨塞賢路，事政犯君，故經譏周尹氏。齊崔氏是也。而古春秋左氏說：卿大夫皆得世祿，不得世位。父爲大夫死，子得食其故采地，而讀爲如：有賢才，則復升父故位。故傳曰：官有世功，則有官族。謹案易爻位三爲三公，二爲卿大夫，曰食舊德，食舊德，謂食父故祿也。尙書云：古我先王，暨乃祖乃父，胥及佚勤，予不敢動用非罰。世選爾勞，予不絕。今尙書作夤，俗本作掩，爾善論語曰：興滅國，繼絕世，國謂諸侯，世謂卿大夫。詩云：惟周之士，不顯亦世。孟子曰：文王之治岐也，仕者世祿。知周制世祿也。从左氏義，鄭氏亦云：尙書世選爾勞，詩刺幽王絕功臣之世，然則興滅繼絕，王者之常，譏世卿之文，其義何在。傳當云：世祿禮也。世卿非禮也。三傳之說，未甚抵牾，詰訓者失之。

四年傳石磻立之。蔡石經。磻作踏。案說文無磻字。當从石。經作踏。潛夫論云。石氏衛公族。

五年傳登來之也。注云。登讀言得來。得來之者。齊人語也。齊人名求得為得來。作登來者。其言大而急。由

口授也。案禮記大學云。一人貪戾。鄭注云。戾之言利也。春秋傳曰。登戾之正義云。以來為戾。與公羊本

不同。下傳云。百金之魚公張之。注云。百金猶百萬。古者以金重一斤。若今萬錢矣。則登戾之說信矣。

百金之魚公張之。注云。百金猶百萬也。古者以金重一斤。若今萬錢矣。食貨志云。漢興更令民鑄莢錢。黃

金一片。如淳曰。時以錢為貨。黃金一斤直萬錢。食貨志又云。米至石萬錢。馬至匹百金。薛瓚曰。秦以一

溢為一金。漢以一斤為一金。一斤為萬錢。則百金為百萬錢矣。何注與如薛。二說皆合。而司馬貞索隱

取瓚注而非如說。蓋未之攷也。顏遊秦漢書注云。一金萬錢。見平準書注。戰國策云。公孫開使人操十

金而往。卜於市。高誘曰。二十兩為一金。又云。趙王封蘇秦為武安君。黃金萬溢。高誘曰。萬溢萬金也。二

十兩為一溢。

經初獻六羽。注云。羽者鴻也。所以象文德之風化。疾也。五經異義云。公羊說樂萬舞以鴻羽。取其勁輕。一

舉千里。詩毛說萬以翟羽。韓詩說以夷狄大鳥羽。謹案詩云。右手秉翟。爾疋說翟鳥名。雉屬也。知翟羽

舞也。

經六年春。鄭人來輸平。傳云。輸平者何。輸平猶墮成也。何言乎墮成。敗其成也。左傳作渝平。云更成也。服

虔曰。公為鄭所獲。釋而不結平。於是更為約束以結之。故曰渝平。平猶成也。成猶盟也。桓元年傳云。渝

平。

盟無享國。秦晉爲盟，成而不結。宋及楚平，傳載盟辭，渝盟猶渝成也。渝成猶渝平也。公與鄭絕，鄭來渝平，隱不享國，桓莊結成，以隱爲辭，則渝平不得爲成明矣。秦誓文云：「即詛楚文，變輪盟刺。」廣雅曰：「輪更也。渝與輪同。」朱子云：「輪亦訓墮。」故左氏謂之「更成」。公羊謂之「墮成」，其義一耳。孫復以「輪平爲輪誠」，尤誤。劉原父以「更成爲非」，從公羊改「渝爲輪」，蓋未攷字義。

八年經：公及莒人盟于包來。釋文云：「包來，左氏作浮來。」古浮包字同。秦有儒生浮邱伯，見漢書。楚元王傳：而鹽鐵論作包邱子，蓋古音通也。

十有一年傳：何隱爾弑也。蔡邕石經：弑作試。白虎通引春秋讖曰：「弑者試也。」欲言臣子殺其君父，殺音試。

釋文云：弑，从式，殺从殳，不同。君父言弑，積漸之名。臣子云殺，卑賤之意。字多亂故。時復音之，不敢卒候。
間司事，可稍稍弑之。荀卿子議兵曰：「傳曰：威厲而不試，刑措而不用。」鹽鐵論曰：「威厲而不殺，殺音試。」古音同。

桓三年：齊侯、衛侯，胥命于蒲。荀子大略篇曰：「春秋善胥命，而詩非屢盟，其心一也。」

四年有年。朱新仲曰：「有年，大有年。桓宣時也。有者，不宜有二。公行事，不宜有此，皆貶也。」春秋二百四十二年之間，豈止此二三年豐熟哉？以是知二公不宜有此也。昭元年：秦后子奔晉。云云。國無道而年穀和熟，天贊之也。與此意合。

六年經：蔡人殺陳佗。傳云：淫于蔡，蔡人殺之。注云：「蔡稱人者，與使得討之。」猶律文立子姦，母見乃得殺之。

也疏云猶言對子姦母也。

八年注云。天子之牲角握。諸侯角尺。卿大夫索牛。疏云。皆指祭宗廟之牲也。襄元年左氏傳云。萊人賂夙沙衛。以索馬牛。杜氏云。索簡擇好者。周禮牛人。祭祀共求牛。求牛猶索牛也。

十一年傳云。古者鄭國處於留。先鄭伯有善於鄭公者。通乎夫人。以取其國。而遷鄭焉。而野留。案鄭公者。鄭仲也。夫人者。叔妘也。周語富辰曰。鄭之亡也。由叔妘。注云。鄭妘姓之國。叔妘同姓之女。爲鄭夫人。鄭語史伯云。子男之國。虢鄭爲大。虢叔恃勢。鄭仲恃險。君若以周難之故。寄帑與賄焉。無不克矣。寄帑與賄。故得通於夫人。而取其國。康成發墨守云。鄭始封君曰桓公者。周宣王之母弟。國在宗周畿內。今京兆鄭縣是也。桓公生武公。武公生莊公。遷居東周畿內。國在虢鄭之間。今河南新鄭是也。武公生莊公。因其國焉。留乃在陳宋之東。左傳侵宋呂留。後漢彭城有留縣。張良所封。鄭受封至此。適三世。安得古者鄭國處於留。祭仲將往省留之事乎。愚案桓公寄帑與賄于虢鄭及十邑。幽王之亂。東京不守。常有處留之事。其後滅虢鄭十邑。而居新鄭。則以留爲邊鄙。當在武公之時。故云。古者鄭國。又云先鄭伯。公羊之言。正與外傳合。鄭氏不攷。而驟非之。過矣。

莊四年傳。九世猶可以復讎乎。雖百世可也。五經異義曰。公羊說復百世之讎。古周禮說復讎可盡五世之內。五世之外。施之於己。則無義。施之於彼。則無罪。謹案魯桓公爲齊襄公所殺。其子莊公與齊桓公會。春秋不譏。又定公是魯桓公九世孫。孔子相定公。與齊會於夾谷。是不復百世之讎也。从周禮說。

七年傳不脩。春秋曰。雨星不及地尺而復。王伯厚云。晉語司馬侯曰。羊舌肸習於春秋楚語。申叔時曰。教之春秋。皆在孔子前。所謂窳樯杙也。魯之春秋。韓起所見。所云不脩春秋也。

八年經。甲午祠兵。五經異義曰。公羊說甲午祠共。師出曰祠。兵入曰振旅。祠者祠五兵。矛、戟、劍、楯、弓、鼓。及祠蚩尤之造兵者。左氏說甲午治兵。爲授兵于廟。謹案三朝記曰。蚩尤庶人之強者。何兵之能造。玄之聞也。以下鄭駁祠兵者。公羊字之語。以治爲祠。因而作說之。於周司馬職曰。仲夏教芟舍。仲秋教治兵。其下皆云。如戰之陳。仲冬教大閱。脩戰法。虞人萊所田之野。乃爲之。如是治兵之屬。皆習戰。非授兵於廟。又無祠五兵之禮。鄭以公羊祠當爲治。故詩采芑箋引此傳。直作治。

夏師及齊師圍成。傳云。成者盛也。盛則曷爲謂之成。諱滅同姓也。案成本盛國。成與盛通。故釋名云。成。盛也。穆天子傳云。盛姬盛伯之子。郭璞云。盛國名。文十二年。盛伯來奔。是盛國伯爵。二傳皆作郕。僖廿四年。左氏傳云。管、蔡、郕、霍。文之昭也。是盛爲姬姓。故穆天子傳云。天子賜盛伯爲上姬之長。郕後爲魯邑。昭七年。左氏傳云。晉人來治杞田。季孫將以成與之。說文云。郕魯孟氏邑。是郕與成一也。故此傳云。諱滅同姓。郡國志云。濟北成縣。本國成。舊屬泰山郡。地理志。泰山有式縣。式當爲成。

十年注云。律一人有數罪。以重者論之。案昭卅一年傳。與此同。蓋漢律也。史記李斯傳云。具斯五刑。漢書刑法志云。漢興之初。尙有夷三族之令。令曰。當三族者。皆先黥劓。斬左右止。笞殺之。梟其首。菹其骨肉於市。其誹謗詈者。又先斷舌。故謂之具五刑。彭越、韓信之屬。皆受此誅。暴秦之爲禍也烈矣。高后元

年乃除三族罪。祇言令尙書甫刑傳。子張曰。堯舜之主。二人刑而天下治。何則。教誠而愛深也。一夫而被此五刑。子龍子曰。未可謂能爲書。康成注云。二人俱罪。呂侯之說刑也。被此五刑。僉犯數罪也。孔子曰。不然也。五刑有此教。注云。數罪耳。數罪猶以上一罪刑之。此與漢律一人數罪。以重者論之同義。十有二年傳。閔公矜此婦人。妬其言。顧曰。此虜也。爾虜焉。故。句。魯侯之美惡乎。至。董仲舒春秋繁露云。此虜也。爾虜焉。知魯侯之美惡乎。致萬怒。擣閔公絕脰。韓詩外傳引此云。閔公矜此婦人。妬其言。顧曰。爾虜焉。知魯侯之美惡乎。何氏以爾虜焉。故爲句。注云。女嘗執虜於魯侯。故稱譽爾。又云。魯侯之美惡乎。至。注云。惡乎。至。猶何所至。意反迂拘。

十有七年經。鄭瞻自齊逃來。傳云。何以書。書甚佞也。曰。佞人來矣。佞人來矣。案甚佞。猶孔子也。爾雅釋言云。孔甚也。釋詁云。壬。佞也。虞書云。何畏乎。巧言令色。孔壬。孔氏傳訓爲甚佞。佞讀爲年。天王殺其弟年。夫左傳作佞夫。故國語與人誦曰。佞之見佞。果喪其田。佞與田協。故讀爲年。年讀爲壬。說文邛从邑年聲。讀若寧。又年从禾干聲。干與年同音。田讀爲陳。故甚佞謂之孔壬。後人疑孔壬之說。遂以爲共工名。其妄如此。王逸天問注云。康回共工名。齊田謂之齊陳。既同物。又同音。是之謂古訓。訓讀爲陳。

廿三年經。公如齊觀社。鄭氏六經輿論云。公如齊觀社。左氏曰。非禮也。公羊曰。蓋以觀齊女也。穀梁曰。非常曰觀。觀無事之辭也。案墨子曰。燕之祖。齊之社稷。宋之桑林。男女之所聚而觀之也。則觀社之義。公羊爲長。以上皆鄭氏說。棟案左傳襄廿四年云。齊社蒐軍實。使客觀之外。傳云。夫齊棄大公之法。而觀

民於社。然則觀社非古也。故左氏以爲非禮。

廿四年傳。戎將侵曹。曹羈諫曰。君請勿自敵也。春秋繁露曰。曹羈曰。戎衆以無義。君無自適。君不聽。果死。戎寇。棟案。適讀爲敵。古文也。禮記雜記注云。適讀爲匹敵之敵。荀卿子云。天子四海之內無客禮。告無適也。注云。適讀爲敵。史記范雎傳。攻適伐國。田單傳。適人開戶。李斯傳。羣臣百官皆畔不適。徐廣皆音。征敵之敵。董氏所據公羊。依古本以適爲敵。

卅年傳。子司馬子曰。蓋以操之爲已蹙矣。注云。操。迫也。已。甚也。蹙。痛也。迫殺之甚痛。攷工記云。凡察車之道。不微至無以爲蹙。速也。康成云。齊人有名疾爲蹙者。春秋傳曰。蓋以操之爲已蹙矣。疏云。鄭氏以蹙爲疾。與何別。非也。古蹙。蹙。同音。詩小明云。曷云其還。政事愈蹙。歲聿云莫。采蕭獲菽。心之憂矣。自貽伊戚。是蹙讀爲蹙。公羊作蹙。故訓爲痛。戚有蹙音。故訓爲疾。

卅有一年經。築臺于郎。注云。禮。天子有露臺。以候天地。諸侯有時臺。以候四時。五經異義云。公羊說。天子有三臺。諸侯二。天子有露臺。所以觀天文。有時臺。以觀四時。施化。有囿臺。所以觀鳥獸魚鼈。諸侯當有時臺。囿臺。諸侯卑。不得觀天文。無靈臺。皆在國之東南二十五里。東南小陽用事。萬物著見。用二十五里。吉行五十里。朝行暮反也。

卅二年傳。未踰年之君也。有子則廟。廟則書葬。無子不廟。不廟則不書葬。五經異義云。春秋公羊說云。未踰年君。有子則書葬。立廟。無子則不書葬。恩無所錄也。左氏說云。臣之奉君。悉心盡恩。不得錄君父。有

子則爲立廟。無子則廢也。或議曰：缺文案禮云：臣不殤君，子不殤父，君無子而不爲立廟，是背義棄禮，罪之大者也。玄之聞也。以下鄭駁：未踰年君者，魯子般子惡是也，皆不稱公，書卒弗諡，不成於君也。廟者當序於昭穆，不成於君，則何廟之立。凡無廟者，爲壇祭之。近漢諸幼小之帝，尙皆不立廟，而祭於陵。云：罪之重者，此何故不罪。殤者十九向下，未踰年之君，未必未冠，引殤欲以何明也。蔡邕云：見孝殤，孝冲，孝質，皇帝以幼弱在位，未踰年，不列於廟。大尉司徒分視三陵，皆宗廟典制也。

閔元年傳注云：律親親得相首，匿漢書地節四年詔曰：父子之親，夫婦之道，天性也。雖有患禍，猶蒙死而存之，誠愛結于心，仁厚之至也。豈能違之哉。自今子首匿父母，妻匿夫，孫匿大父母，皆勿坐。其父母匿子，夫匿妻，大父母匿孫，罪殊死，皆上請廷尉以聞。

僖四年傳古者周公東征，則西國怨，西征則東國怨。注云：此道黜陟之時也。詩云：周公東征，四國是皇。白虎通云：傳曰：周公入爲三公，出爲二伯，中分天下，出黜陟。詩曰：周公東征，四國是皇。言東征述職，周公黜陟而天下皆正也。經典無西征之文。荀卿子王制篇曰：周原本作用，誤。公南征而北國怨，曰：何獨不來也。東征而西國怨，曰：何獨後我也。呂氏春秋古樂篇云：成王立，殷民反，王命周公踐伐之，商人服象，爲虐于東夷。周公遂以師逐之，至于江南，乃爲三象，以嘉其德。此南征之文也。

十年傳：踊爲文公諱也。注云：踊，豫也。齊人語。若關西言渾矣。

十有四年傳：曷爲城杞滅也。孰滅之。蓋徐莒脅之。注云：言脅者，杞王者之後，尤微，是見恐曷而亡。曷，火葛。

反案恐曷。卽漢律恐獨也。陳羣新律序曰。盜律有恐獨。漢書王子侯表曰。葛魁侯戚。坐縛家吏恐獨受賕。棄市。平城侯禮。坐恐獨取雞免。承鄉侯德天。坐恐獨國人受財。賊五百以上免。籍陽侯顯。坐恐獨國民取財物免。師古曰。獨者。謂以威力脅人也。音呼葛反。戰國策云。恚疑虛獨。高誘曰。獨喘息懼也。

十有六年傳。寶石記聞。聞其礪然。視之則石。察之則五。楊士勛云。礪字說文。玉篇。字林等無其字。學士多讀爲砒。公羊釋文云。本或作砒。八耕反。據公羊古本。竝爲礪字。張揖讀爲礪。是石聲之類。不知出何書也。

十有九年傳。蓋叩其鼻。以血社也。棟案。血當爲衄。壞字也。穀梁作衄社。山海經云。祔聃用魚。郭璞云。以血塗祭爲聃也。公羊傳云。蓋叩其鼻。以聃社。音釣。餌之餌。禮說曰。以牲告神。欲神聽之曰聃。蓋兼取腠管故耳。从血。用祈神聽。故聃从申。

卅有三年傳。宰上之木拱矣。注云。宰。冢也。列子孔子曰。望其墳。宰如也。墳如也。鬲如也。注云。宰。冢也。穀梁云。子之冢木已拱矣。

九經古義卷第十四

公羊古義下

文二年傳。虞主用桑。注云。期年練祭。埋虞主于兩階之間。易用栗也。五經異義云。戴禮及公羊說。虞主埋於壁兩楹之間。一說埋之於廟北牖下。左氏說。虞主所藏無明文。鄭駁之云。案士喪禮。重與柩相隨之禮。柩將出。則重倚於道左。柩將入於廟。則重止於門西。虞主與神相隨之禮。亦當然。練時既特作栗主。則入廟之時。祇奉虞主於道左。練祭訖。乃出就虞主而埋之。如既虞埋重於道左。

注虞祭。天子九。諸侯七。卿大夫五。士三。疏云。自諸侯七以下。雜記文。其天子九虞者。何氏差之耳。異義。左氏說亦有成文。案五經異義云。公羊說。虞而作主。古春秋左氏說。既葬反虞。天子九虞。九虞者。以桑主。九虞十六日也。諸侯七虞。十一日也。大夫五虞。八日也。士三虞。四日也。既虞。然後祔死者於先死者。祔而作主。謂桑主也。期年然後作栗主。謹案左氏說與禮同。

練主用栗。注云。夏后氏以松。殷人以柏。周人以栗。案古文論語云。哀公問主於宰我。康成注云。田主謂社。春秋正義云。案古論語。及孔。鄭。皆以爲社主。張。包。周。等。竝爲廟主。五經異義云。今春秋公羊說。祭有主者。孝子之主。繫心。夏后氏以松。殷人以柏。周人以栗。周禮說。虞主用桑。練主以栗。無夏后氏以松爲主。

之事謹案從周禮說論語所云謂社主也是許氏亦據古文以主爲社主何晏集解本直作社字後人承其誤遂以爲古文作問社今文作問主公羊疏亦云其說非也

十有二年傳何賢乎繆公以爲能變也荀子大略篇曰易曰復自道何其咎春秋賢繆公以爲能變也

惟譏善咍言說文引書云彋彋巧言李尋傳云昔秦穆說譏譏之言任乞乞之勇王逸楚辭章句引書

云譏譏靖言靖與咍同俾君子易怠尙書怠作辭籀文辭从台史記三王世家齊王策云俾君子怠與公羊傳合而况乎我多有之尙書况作皇依字當作兄兄滋也無逸云無皇曰又云則皇自敬德漢石經無佚皆作兄詩桑柔云倉兄填兮義作况惟一介斷斷焉焉與夷同見周禮行夫注夷聲近猗故尙書作猗無他技技與伎同尙書或作技其心休休能有容尙書云如有容古如字作而而讀爲能能讀曰如詩民勞云柔遠能邇箋云能猶伽也伽當作如如其意也此述秦誓之詞而字多異然反覆案之與尙書無大牴牾蓋古今文之殊爾

十有三年經世室屋壞傳云世室者何魯公之廟也周公稱大廟魯公稱世室羣公稱宮二傳作大室賈逵服虔等皆以爲大廟之上屋禮說曰清廟之制如明堂明堂五室故清廟五寢中央曰大室亦曰大寢大室屋壞者室上重屋明堂位所謂復廟重檐天子之廟室洛誥王入大室禚是也孔穎達曰左傳不辨此是何公之廟而經謂之大室則此室之最大者故知是周公之廟非魯公也明堂位曰魯公之廟文世室也武公之廟武世室也世室非一君不宜專屬伯禽棟案公羊皆以世爲大如衛大叔儀爲

世叔。齊宋樂大心爲樂世心。又推而廣之。如鄭大夫子大叔。論語作世叔。天子之子稱大子。春秋傳云。會世子于首止。諸侯之子稱世子。而晉有大子申生。鄭有大子華。春秋經。齊世子光。左傳云。大子光明。古世與大同義。是世室猶大室也。樊毅復華下民租田口算碑云。魯不脩大室。春秋作譏。又樊毅脩華。嶽碑云。世室不脩。春秋作譏。二碑同時所立。或作世。知字本通也。

往黨。衛侯會公于沓。至得與晉侯盟。反黨。鄭伯會公于斐。注云。黨。所也。所猶時。齊人語也。棟案荀卿子云。怪星之黨見。黨見猶所見也。楊倞訓黨爲類。無攷。何氏說是。

十有四年傳。納者何。入辭也。莊元年傳云。錫者何。賜也。棟案納當作內。古文賜作錫。入作內。

宋子哀者何。無聞焉。爾棟案公羊主內娶之說。故以子哀書字爲無聞。

十有五年經。齊人歸公孫敖之喪。傳云。脅物而歸之。筓將而來也。注云。筓者竹篋。一名編輿。說文。篋。竹輿也。齊魯以北名之曰筓。將送也。取其尸置編輿中。傳送而來也。脅魯令受之。史記張陳列傳云。上使泄

公持節問貫高。篋輿前。徐廣曰。篋音鞭。服虔曰。篋音編。編竹木如今峻。可以糞除也。韋昭音如頻反云。

輿如今輿。牀人輿以行。郭璞三倉解詁云。篋輿土器。音步典反。案服氏云。篋如今峻。峻卽筓也。同物同

音。小顏云。形如今之食輿。師古唐人。豈識漢時篋輿。諸說唯服子慎與何邵公合。蓋目擊之。與耳食異

也。

入郭不書。此何以書。動我也。其實我動焉爾。注云。動懼我也。案動爲拜。非懼也。

十有六年傳。大夫弑君稱名氏。賤者窮諸人。大夫相殺稱人。賤者窮諸盜。注云。降大夫使稱人。降士使稱盜者。所以別死刑有輕重也。無尊上。非聖人。不孝者。斬首梟之。無營上。犯軍法者。斬。要殺人者。刎頭。棟案無尊上。漢律所云。罔上不道也。非聖人。漢律所云。非聖無法也。不孝者。商書曰。刑三百。罪莫大於不孝。見呂覽。孝經云。五刑之屬三千。罪莫大於不孝。風俗通曰。賊之大者。有惡逆焉。決斷不違時。兄赦不免。又有不孝之罪。竝編十惡之條。斬首梟之者。梟當作梟。玉篇云。賈侍中云。梟謂斷首倒縣也。野王謂縣首於木竿頭。以肆大梟。秦刑也。云無營上。犯軍法者。陳羣新律序云。廐律有乏軍之興。及舊典有奉詔不謹。不承用詔書。漢氏施行。有小愆之反。不如令。輒劾以不承用詔書。乏軍要斬。胡建案軍法曰。正亡屬將軍。將軍有罪。日聞二千石。日下行法焉。云殺人者。刎頭。高祖約法三章。所云殺人者。刑也。何氏所據。皆本漢律。漢律已亡。舉其大略如此耳。

宣元年傳。古者大夫已去。三年待放。君放之。非也。大夫待放。正也。白虎通云。諸侯諍不從。得去。去曰。某質性頑鈍。言愚。不任用。請退避賢。如是。之是待以禮。臣待放。君待之以禮。曰。予熟思。夫子言。未得其道。今子不且留。聖王之制。無塞賢之路。夫子欲何之。則遣大夫。送至于郊。所謂君放之。非也。大夫待放。正也。齊人取濟西田。傳云。爲弑子赤之賂也。注云。子赤齊外孫。宣公篡弑之。恐爲齊所誅。爲是賂之。故諱使。若齊自取之者。亦因惡齊取篡者賂。當坐取邑。未之齊坐者。由由與猶同。律行言許受賂也。案漢律有受賂之條。又有聽請之條。魯賂齊。不當坐取邑。且未之齊而坐者。由齊聽請故也。漢律行言許受賂。亦得

坐受賕之條。故舉以況之。

五年經。齊高固及子叔姬來。傳云。子公羊子曰。其諸爲其雙雙而俱至者。與疏云。舊說云。雙雙之鳥。一身二首尾。有雌雄。隨便而偶。常不離散。案大荒南經云。南海之外。赤水之西。流沙之東。有獸左右有首。名曰䟽跖。有三青獸相并。名曰雙雙。郭璞曰。言體合爲一也。公羊傳所云。雙雙而俱至者。蓋謂此也。

八年經。夫人熊氏薨。九年春。王正月。公如齊。注云。月者。善宣公事。齊合古禮。五經異義曰。春秋公羊說。妾子爲諸侯。不敢以妾母之喪廢事。天子大國出朝會。禮也。魯宣公如齊。有妾母之喪。經書善之。左氏說云。妾子爲君。當尊其母。有三年之喪。而出朝會。非禮也。故譏魯宣公。案禮。妾母無服。貴妾子不立。而他妾之立者也。不敢以卑廢事。尊者禮也。卽妾子爲君。義如左氏。玄之聞也。以下鄭駁。喪服總麻。庶子爲後。其爲母。此義自天子下至庶人。同不三年。魯宣公所以得尊其妾母。敬嬴爲夫人者。以夫人姜氏已歸齊。不反故也。因是言妾子立。母卒得爲之三年。於禮爲通乎。其服之間。其出朝會。無王事。與鄭伯伐許何異。

十有六年經。成周宣榭災。釋文云。左氏作宣榭火。棟案左氏古文。榭本作射。邾敦銘曰。王格子宣射是也。劉逵引國語云。射不過講軍實。今本作榭。說文無榭字。經傳通作射。荀卿子曰。臺榭甚高。秦誓云。惟宮室臺榭。釋文云。本又作謝。吳射慈亦作謝慈。是射與謝通。摯虞三輔決錄。注云。漢末大鴻臚射。成本姓謝名服。天子以爲將軍出征。姓謝名服不祥。改之爲射。氏名咸。載見廣韻。此由晉時不識古文。曲爲之。

說陳壽撰三國志以是儀爲氏儀孔融所改亦此類也

成二年齊侯使國佐如師傳云君不使乎大夫此其行使乎大夫何佚獲也注云佚獲者已獲而逃亡也釋文云佚一本作失案古佚字皆作失詳見尙書攷佚又與逸同尙書無逸漢石經作佚春秋經曰肆大眚穀梁云肆失也失猶佚也佚與逸同謂逸囚

使耕者東畝是則土齊也注云以齊爲土地案土讀曰杜古杜字皆作土周禮及司馬法曰犯令陵政則杜之注云王霸記曰杜之者杜塞使不得與隣國交通詳具禮說

四年經鄭伯毆卒疏云左氏作堅字穀梁作賢字今穀梁仍作堅今定本亦作堅字公羊釋文云毆本或作堅棟案公羊作毆穀梁作賢本一字也說文云毆古文以爲賢字漢潘乾校官碑云親毆寶誓國三老袁良碑云優毆之寵今文大誓云優賢揚歷見三國志注是優毆卽優賢也玉篇又引作鉅鉅與堅同毆亦爲古堅字堅又與賢通東觀漢記云後漢紀注陰城公主名賢得續漢書天文志作堅得疑古堅字賢字皆省作毆公羊從古文作毆穀梁以爲賢左氏以爲堅師讀各異故也廣韻引孝經說云臣者堅也

十有一年經晉侯使郤州來聘世本曰郤豹生義義生步揚步揚生州州卽犍也與公羊合左氏傳魏武子犍世本亦作州司馬貞云州犍聲相近字異耳

十有七年傳郊用正月上辛五經異義曰春秋公羊說禮郊及日皆不卜常以正月上下也魯于天子竝

事變禮。今成王命魯使卜從郊。不從。卽以下天子也。魯以上辛郊。不敢與天子同也。御覽
十有八年經。晉侯使士彭來乞師。釋文云。二傳作士魴。古彭。旁通用。旁與魴同音。故亦作彭。聲之誤也。襄

十二年疏云。攷諸正本。皆作士魴字。若作士彭者。誤矣。

襄二年經。鄭伯論卒。釋文云。論古囷反。古今人表。鄭成公綸。師古曰。綸音工頑反。左傳作論。案古今人表。又有冷淪氏。服虔曰。淪音鰥。鰥與昆同音。古昆字作縶。故毛詩敵笱云。其魚魴鰥。卽箋云。鰥魚子也。魯語云。魚禁鯤鰥。爾疋云。鯤魚子。孔穎達云。鯤。鰥字異。蓋古字通用。是鰥本音古魂反。故冷淪。綸巾。諸字。皆讀爲鰥。師古以鰥有關音。遂釋綸爲工頑反。非也。今人讀綸巾字爲關音。自謂合古音。失之甚者。
七年傳。鄭伯將會諸侯於鄆。說文引作隲。云鄭地阪。

鄭伯髡原。何以名。傷而反。未至乎舍而卒也。注云云爾者。古者保辜。諸侯卒名。故於如會名之。明如會時。爲大夫所傷。以傷辜死也。君親無將。見辜者。辜內當以弑君論之。辜外。當以傷君論之。疏云。其弑君論之者。其身梟首。其家執之。其傷君論之。其身斬首而已。罪不累家。漢律有其事。然則古者保辜者。亦依漢律。律文多依古事。疏知然者。史游急就章曰。痕瘡保辜。謾呼號。師古曰。保辜者。各隨其狀。經重。令歐者。以日數保之。限內致。則坐重辜也。漢書功臣表云。昌武侯單德。元朔三年。坐傷人二旬內死。棄市。然則保辜以二旬爲限。歟。以平人言之。限內當以殺人論之。漢律所云。殺人者。刑是也。限外當以傷人論之。漢律所云。傷人抵罪是也。服虔曰。抵罪者。隨輕重制法。李奇曰。傷人有曲直。罪名不可豫定。故漢律

又云見薛宣傳。鬪目刃傷人完爲城旦。其賊加罪一等。與謀者同罪。是輕重制刑之義也。

十年經。遂滅偃陽。疏云。左氏經作偃字。音夫目反。詩小雅采芣云。邪幅在下。毛傳云。幅偃也。所以自偃束也。一音逼近之逼。釋文云。偃音福。棟案古今人表。作福陽。知古音福。从彼力反者。非也。穀梁漢書地理

志及續漢志。皆作傳陽。棟案古福字。亦讀作副。豫州從事尹宙碑云。位不福德是也。傳本古數字。今亦讀作副。

十有一年經。同盟于京城北。疏云。穀梁與此同。左氏經作亳城北。服氏之經亦作京城北。乃與此傳同。棟案京鄭地在滎陽。隱元年傳。謂之京城大叔是也。亳城無攷。此傳寫之譌。當从公穀是正。

十有七年經。邾婁子嚚卒。釋文云。嚚左氏作慳。案攷工梓人云。數目願脰。注云。故書願。或作慳。鄭司農云。慳讀爲鬻。頭無髮之鬻。是慳有嚚音。故或作嚚。劉昌宗周禮音云。慳音苦顏反。今左傳音苦耕反。非也。嚚音閑。或下奸反。

廿年經。陳侯之弟光。出奔楚。釋文云。弟光。左氏傳作弟黃。案說文。莢古文光。篆古文黃。字相似。白虎通云。瑣之爲言光也。風俗通云。黃光也。

廿有三年經。邾婁鼻我來奔。釋文云。二傳作畀我。古鼻畀同音。

廿有五年經。吳子謁伐楚。門于巢卒。注云。書伐者。明持兵入門。乃得殺之。

卅年經。天王殺其弟年夫。釋文云。年音佞。又如字。二傳作佞夫。棟案古佞讀爲壬。故晉語與人誦云。佞之

見佞果喪其田。佞與田協。是讀爲年。殊不知年讀爲寧。田讀爲陳。故詩信南山云。畀我尸賓。壽考萬年。然公羊不作壬而作年何也。詩甫田云。倬彼甫田。歲歲十千。我取其陳。食我農人。自古有年。是陳讀爲田。年讀如字。

昭十有一年經。盟于侵羊。疏云。穀梁傳作侵。祥字服氏注引者。直作詳。無侵字。皆是所見異也。棟案古祥字。皆作詳。易履上九。親履考祥。釋文云。本又作詳。尙書君奭云。其終出于不祥。蔡邕石經云。其道出于不詳。呂刑告爾祥刑。後漢劉愷傳。引作詳刑。鄭氏周禮注。亦云。度作詳刑。以詰四方。皆古祥字。故左傳。侵祥。服虔引公羊作詳。今公羊作侵羊者。春秋繁露云。羊之爲言猶祥與。鄭衆百官六禮辭。亦云。羊者祥也。疑古祥字詳字。皆省作羊。詳善也。鄭注車人。亦云。羊善也。祥亦訓善。見說文。

屈銀。釋文云。二傳作厥懋。案左傳厥懋。徐仙民音五巾反。說文獻讀若銀。又云。懋从心。獻聲。公羊本口授。故以厥爲屈。公羊厥字皆作屈。懋爲銀。字異而音同。凡公羊異字。若此者多。余每校三傳。而得古音。習鄭學而識古文。後之學者。忽而不察。妄有論辨。竊所未喻。

廿有三年經。尹氏立王子朝。注云。尹氏貶。王子朝不貶者。年未滿十歲。未知欲富貴。不當坐。明罪在尹氏。棟案漢律。年未滿八歲。非手殺人。他皆不坐罪。尹氏者。漢律所謂率也。何氏法。王子朝奔楚。下云。明本在尹氏。當先誅渠率。後治其黨。張斐律表曰。制衆建計。謂之率。漢書萬石君傳。上報石慶曰。孤兒幼年。未滿十歲。無罪而坐率。服虔曰。率。坐刑法也。如淳曰。率。家長也。鹽鐵論云。春秋刺讎。不及庶人。責其率。

也。

廿有五年傳。以人爲菑。注云。菑。周埒垣也。所以分別內外。衛威儀。今大學辟雍。作側字。

卅有一年傳。珍怪之食。荀子正論篇曰。食飲則重大牢。而備珍怪。期臭味。楊倞注。珍怪。奇異之食。

定四年經。公及諸侯盟于泇。油。釋文云。二傳作皐。皐。古讀皐爲泇。皐。爲由。鹽鐵論。又作誥。皐。爾疋釋訓云。

皐。皐。瑁。瑁。刺。索。食也。燮。光。本。泇。泇。瑁。瑁。

注。禮。天子。雕。弓。諸。侯。彤。弓。大。夫。嬰。弓。士。盧。弓。疏。云。古。禮。無。文。案。荀。卿。子。大。略。曰。天。子。彫。弓。諸。侯。彤。弓。大。夫。

黑。弓。禮。也。嬰。弓。無。攷。釋。文。云。見。司。馬。法。盧。弓。卽。黑。弓。春。秋。傳。謂。之。旅。弓。詩。行。葦。云。敦。弓。旣。堅。敦。音。彤。毛。

傳。云。天。子。敦。弓。蓋。本。荀。卿。子。正。義。引。何。休。注。以。爲。事。不。經。見。未。之。攷。也。經。典。序。錄。云。孫。卿。子。傳。魯。人。大。

毛。公。卽。毛。亨。也。今。毛。傳。多。用。荀。卿。說。

六。年。傳。此。仲。孫。何。忌。也。曷。爲。謂。之。仲。孫。忌。譏。二。名。二。名。非。禮。也。五。經。異。義。云。公。羊。說。譏。二。名。謂。二。字。作。名。

若。魏。曼。多。也。左。氏。說。二。名。者。楚。公。子。弃。殺。其。君。卽。位。之。後。改。爲。熊。君。是。爲。二。名。謹。案。文。武。賢。臣。有。散。宜。

生。蘇。忿。生。則。公。羊。之。說。非。也。从。左。氏。義。

八。年。注。定。公。從。季。孫。假。馬。孔。子。曰。君。之。於。臣。有。取。無。假。而。君。臣。之。義。立。棟。案。此。事。竝。見。說。苑。家。語。及。韓。詩。

外。傳。續。漢。書。律。歷。志。云。昔。仲。尼。順。假。馬。之。名。以。崇。君。之。義。近。人。不。攷。以。論。語。有。馬。者。借。人。乘。當。之。誤。之。


甚。者。

哀六年經。齊陳乞弑其君舍。釋文云。舍二傳作茶。音舒。熊朋來云。詩云。爾之安行。亦不遑舍。與車盱協。知舍讀作舒。棟案史記律書云。舍者日月所舍。舍者舒氣也。是舍有舒義。故有舒音。

十有四年經。西狩獲麟。案孔舒元公羊傳本云。十有四年春。西狩獲麟。何以書記異也。今麟非常之獸。其爲非常之獸。奈何有王者則至。無王者則不至。然則孰爲而至。爲孔子之作春秋。孔穎達曰。何休注公羊。無作春秋之事。案孔氏本是有成文。棟案蔡邕石經云。何以書記異也。何異云云。與今本合。

傳。有麇而角者。唐石經麇作麇。郭璞引此傳。與石經同。蔡邕石經作麇。

祖之所逮聞也。漢石經。逮作逕。說文。逕也。玉篇。逕。逕行相及。从辵。畢聲。又目部。畢。目相及。从目。从隸省。方言云。逕。逕及。東齊曰逕。關之東西曰逕。或曰及。



九經古義卷第十五

穀梁古義

孝經說云。孔子曰。吾志在春秋。行在孝經。以春秋屬商。孝經屬參。故應劭風俗通言。穀梁爲子夏門人。楊士助謂受經于子夏。余案桓譚新論云。左氏傳世遭戰國寢藏。後百餘年魯穀梁赤爲春秋殘略。多所違失。然則穀梁子非親受經于子夏矣。古人親受業者稱弟子。轉相授者稱門人。則穀梁子于子夏猶孟子之于子思。故魏麋信注穀梁以爲與秦孝公同時也。楊士助言。穀梁爲經作傳。傳孫卿。卿傳魯人申公。申公傳博士江翁。案孫卿齊潛。襄時人。當秦之惠王。則在其後。又卿著書言天子廟數。僖十五年傳。天子七廟云云。是以貴始德之本也。荀卿禮論同。及賻贈。襚含之義。隱元年。癸馬曰。賻云云。在大略篇。述春秋善。胥命而言盟。詛不及三王。隱八年傳。亦在大略篇末。諸侯相見。仁者居守。二年傳。知者慮。義者行。仁者守。又以大上爲天子。隱二年傳。大上故不名。今在君子篇。皆本穀梁之說。其言傳孫卿信矣。又隱元年傳云。成人之美。不成人之惡。僖廿二年傳云。過而不改。是謂之過。廿三年傳云。以不教民戰。則是棄其師。今皆在論語中。鄭論語序云。仲弓子夏等所撰論語。識亦言子夏等七十二人。共撰仲尼微言。其諸聖人之徒。私淑諸人者乎。又傳中所載。與儀禮禮記諸經合者。不可悉舉。故鄭康成六藝論云。穀梁善於經。

經典序錄云。穀梁有段肅注十二卷。不詳何人。隋經籍志云。春秋穀梁傳十四卷。段肅注。疑漢人。棟案後漢班固傳。固奏記東平王云。弘農功曹吏殷肅。達學洽聞。才能絕倫。誦詩三百。奉使專對。章懷注云。固集殷作段。然則殷肅卽段肅也。劉氏史通言。肅與京兆祭酒晉馮。馮亦見奏記。嘗撰史記。以讀史遷之書。

隱元年傳。春秋貴義而不貴惠。信道而不信邪。注。信申字。古今所共用。韋昭國語注云。信古伸字。士相見禮。注云。古文伸作信。康成儒行注云。信讀如屈伸之伸。假借字也。信或爲身。

三年經。日有食之。傳云。其日有食之何也。吐者外壤。食者內壤。闕然不見其壤。有食之者也。注云。凡所吐出者。其壤在外。其所吞咽者。壤入於內。疏云。壤字爲穀梁音者。皆爲傷。徐邈亦作傷。麋信云。齊魯之間。謂鑿地出土鼠。作穴出土。皆曰壤。或當字從壤。蓋如麋信之言。九章算術穿地四爲壤。五爲堅。五壤爲息土。尙書正義。

有內辭也。或外辭也。或與有同義。故以內外別之。

四年衛祝吁。釋文云。左氏公羊及詩。作州吁。案州有祝音。故或作祝。聲之誤也。

五年傳。尸子曰。舞夏自天子至諸侯。皆用八佾。初獻六羽。始厲樂矣。釋詁云。厲作也。郭氏引此傳以證之。方言曰。厲卽爲也。甌越曰。卽。吳曰厲。郭氏云。作亦爲也。僖廿年。新作南門。傳云。作爲也。

八年經。鄭伯使宛來歸郕。釋文云。左氏作祊。穆天子傳云。戊戌天子北入于郕。郭璞曰。郕鄭邑。左傳作祊。

古方丙同字。

注。周有千八百諸侯。盡京師之地。不足以容。不合事理。疏云。見孝經說。棟案范注。諸侯有大功盛德於王室。已下。皆采許叔重五經異義之文。疏言見孝經說。非也。

九年經。天王使南季來聘。傳云。南氏姓也。顧炎武云。南非姓。姓字衍文。季字也。白虎通引詩傳。文王十子。末云。南季。載南采也。猶祭伯。毛伯之謂。左傳作肅季。史記作冉季。冉與南同音。故亦作南。周公爲大宰。康叔爲司空。肅季爲司空。周康南皆畿內地。荀子云。周公歸周。注云。畿內之國亦名周。周公黑其後也。康叔後封于衛。肅季未改封。世爲卿士也。司馬遷云。冉季載其後世無所見。未之攷耳。

桓二年傳。何以知其先殺孔父也。曰。子旣死。父不忍稱其名。臣旣死。君不忍稱其名。以是知君之累之也。孔氏父字也。五經異義云。公羊說。臣子先死。君父猶名之。何休注。桓二年傳云。禮臣死。君字之。與此異。孔子曰。鯉也死。是已死稱名。左氏說。旣沒稱字而不名。杜預以爲孔父稱名。與賈逵異。桓二年。宋督弑其君與夷。及其大夫孔父。先君死。故稱其字。穀梁同左氏說。謹案論語稱鯉也死。實未死。假言死。从左氏。穀梁說。玄之聞也。以下鄭駁。論語云。鯉也死。有棺而無槨。是實死未葬前也。說言死。凡人於恩猶不然。況賢聖乎。

桓四年傳。春曰田。夏曰苗。秋曰蒐。冬曰狩。何休廢疾曰。運斗樞曰。夏不田。穀梁有夏田。於義爲短。鄭君釋之云。四時皆田。夏殷之禮。詩云。之子於苗。選徒囂囂。夏田明矣。孔子雖有聖德。不敢顯然改先王之法。

以教授於君。若其有所欲改。其陰書於緯。藏之以傳後王。穀梁四時田者。近孔子故也。公羊正當六國之亡。織緯見讀。而傳爲三時田。公羊桓四年傳。無夏田之語。作傳有先後。雖異不足以斷穀梁也。王制正義。

莊元年。夫人孫于齊。傳云。孫之爲言猶孫也。注云。孫。孫遁而去非也。公羊傳云。孫者何。孫。猶孫也。何休曰。孫。猶遁也。棟案。遁。讀爲循。釋文音徒困反。非也。今文尙書云。五品不訓。後漢書。訓讀爲馴。周禮注。書亦或作馴。史記。馴與循同音。循。猶巡也。巡。猶遁也。古逡巡字。皆作逡遁。見儀禮注。又作逡循。顧炎武論之詳矣。是循與遁同。又與孫通。古文尙書云。五品不遜。說文引作孫。孫。猶孫也。古遜字。皆作孫。與遁。巡。訓。馴。循。皆同音。劉向說苑曰。大學之教也。時禁於未發之曰預。因其可之曰時。相觀於善之曰磨。學不陵節而施之曰馴。今學記。馴作遜。

七年經。辛卯昔傳。日入至于星出。謂之昔。王逸云。昔。夜也。詩云。樂酒今昔。今詩作夕。崔譔莊子注曰。昔。夕也。天官昔人注云。昔之言夕也。管子小匡云。且昔從事。且昔猶且夕也。昔亦訓夜者。列子曰。尹氏有老役夫。昔昔夢爲國君。張湛云。昔。昔夜夜也。

十七年。鄭詹自齊逃來。傳云。逃義曰逃。義謂君臣之義。仲尼曰。天下有大戒二。其一命也。其一義也。子之愛親命也。不可解于心。臣之事君義。無適而非君也。無所逃於天地之間。是之謂大戒。楚箴尹克黃亦言君天也。天可逃乎。是逃義也。

廿有二年肆大青傳云肆失也失古佚字佚與逸同謂逸囚也

廿有四年傳禮天子之桷斲之斲之加密石焉諸侯之桷斲之斲之大夫斲之士首本晉語張老云天子之室斲其椽而斲之加密石焉注云密密理也石謂砥也先粗斲之加以密砥諸侯斲之注云無密石也大夫斲之注云不斲也士首注云斲其首也尙書大傳曰天子之堂其桷天子斲其材而斲之加密石焉大夫達稜士首本庶人到加鄭氏注云斲礪之也密石砥之也稜菱也何休公羊注云禮天子斲而斲之加密石焉諸侯斲而斲之不加密石大夫斲之士首本

卅年傳燕周之分子也分子猶別子禮記大傳云別子爲祖注云列子謂公子然則王所生者爲王子謂之別者別于世子也燕世家云召公奭與周同姓譙周曰周之支族孔穎達以爲譙周考校古史不能知其所出皇甫謐以爲文王庶子白虎通云召公文王子王充曰召公周公之兄穀梁以爲分子者蓋長庶歟

閔元年經盟于洛姑釋文云一本作路姑案路洛同音漢書揚雄校獵賦曰爾乃虎路三變以爲司馬晉灼曰路音洛

僖三年公子季友如齊莅盟傳云莅者位也鄭氏易需彖云位乎天位上位字讀爲泄泄與莅同

廿有八年經公朝于王所傳云朝不言所言所者非其所也案攷工記載祭侯之辭曰惟若寧侯母或若女不寧侯不屬于王所故抗而射女鄭氏注云屬猶朝會也故白虎通引禮射祝曰嗟爾不寧侯爾不

朝于王所。以故天下失業。亢而射爾。然則王所者。猶漢時所謂行在所也。天子所在曰王所。吉日云。天子之所。此臨天下之言也。諸侯所在曰公所。鄭詩獻于公所。齊侯罇鐘云。有共于公所。此臨一國之言也。下經云。天王守于河陽。壬申。公朝于王所。傳云。朝於廟禮也。於外非禮也。棟謂天子巡守。有朝諸侯之禮。故尚書云。五載一巡守。羣后四朝。馬融。王肅。皆云。四面朝於方岳之下。王巡守而朝之正也。召王非正也。故仲尼書云。天王守于河陽。所以正君臣之禮。

宣八年。葬我小君頃熊。疏云。案文十八年注云。宣母敬嬴。此云頃熊者。一人有兩號故也。棟謂頃聲近敬。熊聲同。嬴二傳由口授。故字異而音同。而云一人有兩號。非也。


成元年傳。古者有四民。有士民。有商民。有農民。有工民。棟案古者四民。商。農。工。賈。士民。始于齊之管子。管子制國。始有士鄉。故地理志云。齊地臨菑。其中具五民。服虔曰。士。農。工。商。賈也。禮說論之詳矣。

襄十有一年傳。古者天子六師。公羊隱五年傳。注云。禮天子六師。方伯二師。諸侯一師。昭五年傳。舍中軍者何。復古也。魯于春秋。不得爲方伯。以二軍爲復古。則諸侯一軍之說非矣。三略曰。聖王御世。觀盛衰。度得失。而爲之制。故諸侯二師。方伯三師。天子六師。諸侯二師。故舍中軍爲復古。古者一二。皆積畫。傳寫之誤也。六師卽六軍也。大雅棫樸云。周王于邁。六師及之。毛傳云。天子六軍。鄭志。趙問此詩。引常武詩云。整我六師。不稱六軍。而稱六師。不達其意。答曰。師者衆之通名。故人多云焉。欲著其大數。則乃稱軍耳。林孝存引詩六師之文。以難周禮。鄭答之云。軍者兵之大名。軍禮重。言軍爲其大悉。故春秋之兵。

雖有累萬之衆。皆稱師。詩云。六師。卽六軍也。

昭十九年傳。許世子不知嘗藥。累及許君也。注云。許君不授子以師傅。使不識嘗藥之義。故累及之。公羊傳云。進藥而藥殺。則曷爲加弑焉爾。誠子道之不盡也。棟案。墨子非攻篇云。今有醫於此。和合其祝藥。之於天下之有病者而藥之。萬人食此。若醫四五人得利焉。猶謂之非行藥也。故孝子不以食其親。忠臣不以食其君。夫就師學問。無方心志不通。雖有愛父之心。而適以賊之。墨氏此論。可謂知言。

昭廿有五年。宋公佐卒于曲棘。傳云。邾公也。注云。邾當爲訪。訪。謀也。謀納公。



九經古義卷第十六

論語古義

有酒食先生饌。鄭氏論語饌作餽。云食餘曰餽。案儀禮注云。古文羹皆作餽。說文曰。羹。具食也。或作饌。从巽。則餽為古文饌也。漢書皆以羹為饌。

子曰。書云。孝乎惟孝友于兄弟。釋文作孝于。云一本作孝乎。唐石經同。案蔡邕石經亦作于。故包咸注云。孝于惟孝。美大孝之辭。後世儒者。據晉世所出君陳篇。改孝于為乎。以惟孝屬下句。以合之。若非漢石經及包氏注。亦安从而是正邪。華嶠後漢書。劉平江革傳序云。此殆所謂孝乎惟孝友于兄弟。施于有政。是亦為政也。則知晉以前無以孝乎為絕句者。但于誤為乎。其來已久。

季氏旅於泰山。班固述贊曰。大夫臚岱。侯伯僭時。鄭氏曰。臚岱。季氏旅於大山是也。小顏曰。旅。陳也。臚亦陳也。臚旅聲相近。其義一耳。禹貢曰。蔡蒙旅平。傳云。祭山曰旅。韋昭音盧。盧。籀文臚。士冠禮注曰。古文旅作臚。周禮司儀。旅擯。先鄭曰。旅讀為旅於泰山之旅。後鄭云。旅讀為鴻臚之臚。臚。陳之也。周書謚法。曰。惟三月既生魄。周公旦。太師望。相嗣主發。既賦憲。受臚于牧之野。臚。即旅也。

郁郁乎文哉。汗簡云。古論語郁作馘。漢石經仍作郁。

哀公問社於宰我。鄭本社作主。云田主謂社。案三王世家載春秋大傳曰：天子之國有泰社，將封者各取其物色，裹以白茅，封以爲社。此之謂主土。主土者立社而奉之也。公羊傳云：虞主用桑，練主用栗，用栗者藏主也。何休云：夏后氏以松，殷人以柏，周人以栗，松猶容也，想見其容貌而事之。主人正之意也。柏猶迫也，親而不遠。主地正之意也。栗者猶戰栗，謹敬貌。主天正之意也。疏云：夏后氏以下出論語，而鄭氏注云：謂社主正，以古文論語。哀公問社於宰我故也。今文論語無社字，是以何氏以爲廟主耳。管仲之器小哉。管子中匡篇：施伯謂魯侯曰：管仲者，天下之賢人也，大器也。蓋當時有以管仲爲大器者，故夫子辨之。

里仁爲美，擇不處仁。王伯厚曰：張衡思玄賦引論語云：里仁爲美，宅不處仁。里，宅，皆居也。蓋古文云：然，今以宅爲擇，而謂里爲所居，乃鄭氏訓解，而何晏從之。當以古文爲正。棟案釋名曰：宅，擇也。擇吉處而營之，是宅有擇義。或古文作宅，訓爲擇，亦通。孟子亦作擇。趙岐曰：簡擇不處仁爲不智。

無適也，無莫也。鄭本適作敵，莫音慕，無所貪慕也。棟案古敵字，皆作適。禮記雜記曰：赴於適者。鄭注云：適讀爲匹敵之敵。史記范雎傳：攻適伐國。田單傳：適人開戶。李斯傳：羣臣百官皆畔不適。徐廣皆音征敵之敵。荀卿子君子篇云：天子四海之內無客禮，告無適也。注讀爲敵。白虎通云：君所以不爲臣隱，何以爲君之子臣，無適無莫，義之與比。賞一善而衆臣勸，罰一惡而衆臣懼，若爲卑隱，爲不可殆也。

瑚璉也。棟案二字从玉旁，俗所作也。當爲胡連。春秋傳曰：胡篋之事。明堂位曰：夏后氏之四連，皆不从玉。

旁孔廟禮器碑。又作胡輦。古連輦字通。易蹇之六四曰。往蹇來連。虞翻曰。連。輦也。周禮鄉師輦輦。注云。故書輦作連。先鄭云。連讀爲輦。巾車職云。輦車組輓。陸氏云。輦本又作連。音輦。管子海王曰。行服連輶。輦。漢書蓮勺縣。如淳音輦。酌則知連與輦音義皆同也。莊子連字皆音輦。說文胡連字。又作連。徐鉉云。俗作連。

吾與女弗如也。論衡引云。吾與女俱不如也。陳耀文曰。鄭玄別傳。玄從馬融學。季子謂盧子幹曰。吾與女皆不如也。曹操祭橋玄云。仲尼稱不如顏淵。李賢注引論語。吾與女俱不如也。

崔子鄭氏注云。魯讀崔爲高。今从古。王充論衡曰。仕宦爲吏。亦得高官將相長吏。猶吾大夫高子也。安能別之。蓋用魯論語之言。微鄭氏之注。幾不知充語何所指也。

夫子矢之。孔鄭繆播皆云。矢。誓也。虞翻周易注云。矢。古誓字。

古之賢人也。古本作賢仁。故鄭注云。孔子以伯夷。叔齊爲賢且仁。徐彥云。古之賢仁也。言古之賢士。且有仁行。若作仁字。如此解之。若作人字。不勞解也。

五十以學易。可以無大過矣。魯論易爲亦。君子愛日以學。及時而成。五十以學。斯爲晚矣。然秉燭之明。尙可寡過。此聖人之謙辭也。或云古五字如七。見王肅詩傳。孔子晚而好易。故有是語。史記亦云。

三人行。必有我師焉。唐石經及釋文皆云。我三人行。必得我師焉。何晏注云。言我三人行。本無賢愚。依法當有我字。江熙注穀梁亦云。我三人行。必有我師。顧炎武金石文字記。載唐石經云。三人行。三上多一。

我字必有我師焉。有誤爲得。蓋習于俗而忽不致耳。釋文云。我三人行。一本無我字。必得本亦作必有。陳司敗。鄭氏以司敗爲人名。齊大夫。棟案古陳田字通。故以爲齊大夫。

揖巫馬期而進之。仲尼弟子列傳云。巫馬施字子旗。呂氏春秋亦云。巫馬旗。今論語作期。孔安國注云。弟子名施。案說文云。施旗貌。齊欒施字子旗。知施者旗也。古人名字相配。故白虎通云。聞名卽知其字。聞字卽知其名。古旌旗字。無作期者。當从史記作旗。

誅曰。孔注云。誅禱篇名。案說文引作讎云。彙功德以求福。从言彙省聲。鄭氏小宗伯注云。讎曰。禱爾于上下神祇。則知古文論語本作讎。

君子篤於親。汗簡云。古論語篤作竺。尙書微子之命云。曰篤不忘。釋文云。篤本又作竺。說文曰。竺。厚也。如有周公之才之美。使驕且吝。周書寤敬篇。周公曰。不驕不恡。時乃無敵。陸氏論語釋文云。吝本亦作恡。此周公生平之學。所以裕制作之原也。夫子因反其語。以誡後世之爲人臣者。

子有亂臣十人。案釋文及唐石經。無臣字。陸氏云。本或作亂臣十人。非後世因晉時所出大誓。以益之邪。劉原父遂關馬。鄭之說。以邑姜易文母。真臆說也。原父又云。或云。古文無臣字。如此則不成文。尤謬。王伯厚已辨之。古亂字皆作治。哉敦云。備土官。

子畏於匡。注。包咸曰。陽虎嘗暴於匡。夫子弟子顏勉。時又與虎俱行。後勉爲夫子御。至於匡。匡人相與共識勉。又夫子容貌與虎相似。故匡人以兵圍之。孔子世家云。孔子過匡。顏刻爲僕。大雅雲。漢云。后稷不

克箋云。克當爲刻。刻。識也。然則克與刻同。釋文云。諸書或作顏亥。家語云。顏刻字子驕。孔子適衛。子驕爲僕。仲尼弟子列傳。無刻名云。顏高字子驕。疑高卽勉也。春秋傳有顏高。或以爲卽子驕。案顏黃門家訓云。春秋之世。顏高。顏鳴。顏羽之徒。皆一闕者爾。則高非子驕明矣。

冕衣裳者。冕。鄭本作弁。云魯讀弁爲纁。今从古。鄉黨篇亦然。大戴禮。孔子曰。古者纁而前旒。所以蔽明也。說文曰。冕。或作纁。从糸。李善曰。纁古冕字。今論語作冕。蓋从魯論。又說文弁作寬。寬與冕字相似。包咸以冕爲冠。或寬字之誤。衛靈篇。包咸注云。冕。禮冠。明此非冕。

求善買而沽諸。蒙。豈。石經。沽作賈。唐石經及釋文。仍作沽。玉篇又引作及。說文曰。秦以市買多得爲及。與衣狐貉者立。陸德明云。貉依字當作貉。汗簡云。古論語貉作貉。鄉黨篇同。高誘淮南注云。貉音涸。

不使勝食氣。說文曰。既。小食也。从皂。亮聲。論語曰。不使勝食既。棟案氣本古餽字。詳見左傳補注。餽又與

既通。禮記中庸云。既廩稱事。鄭注云。既讀爲餽。是既與氣同。古既字作既。或省文作亮。見史記及說文。

人不聞於其父母。昆弟之言。後漢書范升奏記王邑曰。升聞子呂人不聞於其父母爲孝。臣呂下不非其

君上爲忠。注論語云云。閒非也。言子騫之孝。化其父母兄弟。言人無非之者。忠臣事君。有過卽諫。在下

無有非君者。是忠臣也。家君曰。論語依此說爲允。若如朱注。未足爲孝也。

仍舊貫。釋文云。魯讀仍爲仁。今从古。揚雄將作大匠箴曰。或作長府。而閔子不仁。用魯論也。

季子然問仲由冉求。可謂大臣與。釋文。臣作懇。云古文臣字。本今作臣。唐石經作臣。棟案唐天后以丙。塞

②、③、又作區、○、爾、悉、爾、爾、乖、壬、又作舌、嬰、鑿、髻、爾、爾、代、天、地、日、月、星、君、臣、載、初、年、正、照、證、聖、授、戴、國、第、字、以、論、語、悉、字、攷、之、亦、非、盡、出、臆、造、兩、本、篆、書、峯、字、見、管、子、戰、國、策、鷓、冠、子、等、書、戰、國、策、宋、使、者、曰、
悉、曾、錢、本、請、受、邊、城、徐、攻、而、留、其、日、續、玉、篇、云、罔、古、文、國、字、義、雲、章、以、罔、爲、國、

詠、而、歸、歸、鄭、本、作、饋、云、饋、酒、食、也、魯、讀、饋、爲、歸、今、从、古、王、充、曰、詠、而、饋、詠、歌、饋、祭、也、何、晏、从、魯、論、作、歸、故、不、載、孔、注、史、記、仲、尼、弟、子、傳、云、咏、而、歸、徐、廣、曰、一、作、饋、大、史、公、采、古、文、論、語、故、作、饋、

居、之、無、倦、釋、文、云、倦、亦、作、卷、棟、案、卷、當、作、券、說、文、曰、券、勞、也、漢、涼、州、刺、史、魏、君、碑、云、施、舍、不、券、鄭、氏、攷、工、注、云、券、今、倦、字、也、

一、朝、之、忿、忘、其、身、以、及、其、親、荀、子、不、苟、篇、曰、鬪、者、忘、其、身、者、也、忘、其、親、者、也、行、其、少、頃、之、怒、而、喪、終、身、之、軀、然、且、爲、之、是、忘、其、身、也、室、家、立、殘、親、戚、不、免、乎、刑、戮、然、且、爲、之、是、忘、其、親、也、楊、倞、曰、蓋、當、時、禁、鬪、殺、人、之、法、戮、及、親、戚、尸、子、曰、非、人、君、之、用、兵、也、以、爲、民、傷、鬪、則、以、親、戚、殉、一、言、而、不、改、之、也、

人、之、言、曰、予、無、樂、乎、爲、君、惟、其、言、而、莫、予、違、也、韓、非、子、外、儲、說、曰、晉、平、公、與、羣、臣、飲、飲、酣、乃、喟、然、歎、曰、莫、樂、爲、人、惟、其、言、而、莫、之、違、

鄙、哉、硜、硜、乎、案、說、文、經、古、文、磬、故、何、晏、注、云、此、硜、硜、者、謂、此、磬、聲、也、史、記、載、樂、記、云、石、聲、硜、硜、卽、磬、字、今、禮、記、作、磬、

工、欲、善、其、事、必、先、利、其、器、漢、書、梅、福、云、孔、子、曰、工、欲、善、其、事、必、先、厲、其、器、古、文、論、語、厲、作、利、案、春、秋、文、七

年傳云訓卒利兵是利與厲同。

好行小慧。鄭氏云小慧謂小小之才知魯讀慧爲惠。今從古。案篆文裏與慧同。漢書昌邑王清狂不惠。義作慧。

且在邦域之中矣。漢書王莽傳云封域之中依孔注邦當作封。古字邦封同。或云封當作邦。漢諱邦改爲封。非也。尙書序邦諸侯邦康叔義皆作封。漢有上邦下邦縣字如封字。下文邦內鄭本作封內。明此邦域亦當作封域也。論語釋文云邦或作封。

友便辟馬鄭皆讀辟爲譬。謂巧爲譬諭以求容媚。徐彥曰今世間有一論語音便辟爲便僻者非鄭氏之意。通人所不取矣。

生而知之者上也。楊方五經鉤沉曰生而知之者上也。問曰孰生而知之乎。答曰聖人二儀旣判縣象列暉八風有序四氣錯御覽日月而達陰陽之數消搖八節俯仰玄黃彌綸天地之體窮竟有生之機瞻天爲師用醒已心故曰生知不亦審乎。初學記

夫子莞爾而笑。釋文莞作莧云本今作莞。周易夬之九五曰莧陸夬夬。虞翻注云莧悅也。讀如夫子莧爾而笑之莧是漢以來皆作莧。唐石經仍作莞。非也。廣雅曰莧笑也。疑莧字之誤。莧亦訓笑。故何晏云莧爾小笑貌。

吾其爲東周乎。何晏注云興周道於東方故曰東周。此與公羊黜周王魯之說合。

鑽燧改火。注馬融曰。周書月令。有更火之文。邢昺曰。其辭今亡。隋牛弘云。蔡邕。王肅云。周公作周書。有月令第五十三。卽此也。與今本同。今作汲冢書非也。又云。周書月令。論明堂之制。殿垣方在內水。周如外水。內徑三百步。尙書正義。引月令云。三日曰朏。唐大衍歷議曰。七十二候。原子周公時訓。月令雖頗有增益。然先後之次則同。然則月令篇。歷隋。唐猶在也。

惡居下流而訕上者。蔡邕石經無流字。當因子張篇。惡居下流。涉彼而誤。鹽鐵論。大夫曰。文學居下而訕上。漢書朱雲傳云。小臣居下訕上。是漢以前皆無流字。

惡果敢而窒者。鄭氏曰。魯論窒作室。今從古。案韓勅脩孔廟後碑。亦以室爲室。漢書功臣表。有清簡侯室中。同史記作室中。徐廣曰。室一作窒。知室與窒通。

年四十而見惡焉。蔡邕石經。四十字作卍。古鐘鼎文。四十字皆从卍。今石經猶然。鄭注古文孝經云。卍疆而仕。行步不逮。縣車致仕。

何德之衰。唐石經云。何德之衰也。案蔡邕石經云。鳳兮鳳兮。何而德之衰也。往者不可諫也。來者猶可追也。下二也字。唐石經無。莊子云。孔子適楚楚狂接輿遊其門曰。鳳兮鳳兮。何如德之衰也。如輿而古字

通。

夫執輿者爲誰。蔡邕石經云。執車者爲誰。子路云云。案車輿古通用。毛詩出車云。我出我車。荀子引作輿。下章云。出車彭彭。史記引作出輿。孟子曰。十月輿梁成。本亦作車梁。

植其杖而芸。蔡邕石經云。置其杖而耘。案商頌那詩。置我鞮鼓。箋云。置讀曰植。正義云。金縢云。植璧秉圭。鄭注云。植古置字。然則古者置植字同。說文曰。植或作權。从置。

君子不施其親。釋文施作弛。云舊音純。蔡邕石經仍作施。左傳曰。乃施邢侯。正義云。晉語。施邢侯氏。孔晁云。廢其族也。則國語讀爲弛。訓之爲廢。家語說此事。亦爲弛。王肅曰。弛宜爲施。施行也。服虔云。施罪于邢侯。施猶劾也。棟案劾者。謂罪法之要辭。不劾其親者。所以隱其罪。親親之義也。古施弛字通。見周禮

注。

叔夜。棟案周有叔液鼎。卽八士之叔夜也。古文液或省作夜。尙書大傳曰。思之不容。是謂不容。時則有脂

夜之妖。鄭康成注云。夜讀爲液。是古液字作夜。今五行志。脂夜字皆作液。

子游曰。蔡邕石經。游作旂。說文云。旂。旌旗之游。讀若偃。古人名。旂字子游。游。旌旗之流也。从旂。汙聲。游與

旂通。大宰九貢。八曰旂貢。注云。旂讀如困。游之游。漢武班碑。亦以旂爲游。

子夏之門人小子。當洒埽。陸德明云。洒正作灑。掃本今作埽。棟案陸說非也。說文曰。洒古文以爲灑。埽字

周禮。隸僕掌埽除糞洒。先鄭以爲洒當爲灑。後鄭據古文論語。定爲洒。經傳中。如毛詩。弗洒弗埽。洒埽

穹窒。於粲洒埽。洒埽庭內。晉語。供備洒埽之臣。皆古文也。周伯琦六書正譌。以灑埽字俗用洒失之。

君子之道。焉可誣也。漢書薛宣傳云。君子之道。焉可慙也。蘇林曰。慙同也。兼也。晉灼曰。慙音誣。師古曰。論

語載子夏之言。謂行業不同。所守各異。唯聖人爲能體備之。家君曰。蘇解得之。

賢者識其大者。蔡邕石經識作志述而云多見而識之。白虎通引作志。鄭玄注周禮保章氏云志古文識。春秋僖廿四年傳云以志吾過。又昭四年傳云且曰志之。十三年傳云歲聘以志業。皆古文識。論語左傳皆出孔壁中。故多古文。賈公彥曰古之文字少志意之志與記識之志同。後代自有記識之字不復以志爲識。何晏晉人改志爲識而古文遂不可攷。後人因循莫能是正可慨也。

周有大賚善人是富。戰國策云制海內子元元非兵不可。高誘曰元元善也。姚察漢書訓纂曰古者謂人云善人因善爲元。故云黎元。其言元元者非一人也。棟案大誓云大賚于四海而萬姓悅服則善人爲黎元審矣。何晏以爲有亂十人失之。

惠棟曰夫子言述而不作信哉。鄉黨一書半是禮經。堯曰數章。孔壁論語子張已下別爲一篇。全書訓典論君臣雖人言不廢言恆德則南國有人於善人爲邦則曰誠哉是言於隱居行義則曰吾聞其語素絢唐棣逸詩可頌百官冢宰逸典可稽出門如見大賓使民如承大祭此胥臣多聞之所述也。視其所以觀其所由察其所安此文王官人之所記也。文王官人本載周書大戴采之以爲記。克己復禮爲仁左氏以爲古志己所不欲勿施於人管子以爲古語見小問篇參分天下而有其二周志之遺文也。今逸周書卽周志也在程典篇陳力就列不能者止周任之遺言也。推此言之聖人豈空作邪。但經傳散佚不能一一舉之耳。